




1762



惜抱軒詩文集

四

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIPPEN Color Control Patches © The Tiffen Company, 2007

借抱軒詩話目錄

第一卷

古體五十一首

第二卷

古體六十一首


第三卷

古體四十一首

第四卷

古體三十首

桐城姚鼐傳



惜抱軒詩集目錄

桐城姚鼐姬傳

第一卷

古體五十六首

第二卷

古體六十二首

第三卷

古體四十首

第四卷

古體三十首



第五卷

古體廿六首

第六卷

今體七十九首

第七卷

今體六十九首

第八卷


今體八十六首


第九卷

今體二百十首

第十卷

今體九十三首





惜抱軒詩集一

古體五十六首

錢舜舉蕭翼賺蘭亭圖

萬壑千巖當坐起，斲取越東山。百里世間不見，永和人
長有春風流曲水。滄海日高開寺樓，樓上當窗僧白頭。
越僧世得鍾張法，頭白朝朝摹禊帖。扣門客坐軒檻風，
茶香酒煖笑語同。致君有道堯舜出，訪古無人羲獻空。
頻說法書日西宴，蕭郎縮手心無限。老僧抵掌僧雛睨，
似謂慢藏苟欲諫。語卿且勿諫懷璧，不可居御史稱有
詔。明日將登車，長安再拜陳玉除。歐虞俯首愧不如，年

往運謝五百餘錢生染筆中躊躅石牀閉絕昭陵夜無
復人閒第一書

元人散牧晚歸圖

日落未落東皋黃搖風欲靜千絲楊榆莢雨後邨塢涼
澤中艸長人微茫牛從雜遝老犉將刺促或走或羊望
或掉尾立銜藏芨牛背短筆二尺強握坐者牧舟樹檣
或來以笛吹其芻據牛橫坐如胡牀後有蓬髮趨踉蹌
前有招之右袂張首伏牛後尻前昂一人蓑蒔行驅羊
掀笠偃背丫髻長其一糾笠風中颺林木度盡橫陂塘
前邨暝色寒蒼蒼一人先俟牛宮旁遶宅榆柳青蒼篔

老翁飽腹飯黃梁出攜幼稚嬉徜徉少婦機杵鳴東廂
人生正可知農桑春夏耕牧秋築場不見臧穀羊皆亾
嗟哉此畫真吾鄉

山寺

四山動秋響高林黯將夕披雲度寒榛暮陰下前壁寺
門風蕭蕭飛葉滿巖積箒嶼暗深溪淙鳴出穹石想見
谷口外落日遠峯碧一磬流煙中萬壑抱檐隙豈無湛
冥人於茲衣蘿薜初月輝易盡悵望遂停策

偕一青仲郭應宿登城北小山至夜作

秋聲鴻澤滿暑氣蟲階謝攜客眺寒原居人斂餘稼酒

情抱軒詩集 二
取脫枝温席以柔莎藉餘照在單椒暝色生林下
注露
亘天垂巨壑當巖瀉微風度灌吟澹月流雲罅情集交
悲歡生得幾清暇寧於蟪蛄春而慕燕雀夏視後無虛
鞭規前有戒駕懷哉古已遙逝者今方乍勿歎平分秋
夏卜將來夜

春雨

日暮東風休掩卷幽窗靜颯然春雨來一室生微冷時
有棲鳥聲自令虛懷警

咏古

和璧非珠翠流光悅婦人章華宮畔路夫子欲何陳客

行漢江渚思見游女神蘋皋風日晚寧不怨青春

秦皇服胡越六合歸懸衡雄心中不繼乃築女懷清漢
廷策賢良褒然儒董生慷慨公儀子食祿復何營如何
桑與孔賈豎充簪纓富民封丞相他日悔心萌已衰不
再盛痛惜此孤憚

鼓枻出大江迴首樅陽渡中有漢帝臺言是射蛟處日
夕天風吹青條變枯樹上有黃鳥吟下有寒兔顧憶昔
翠華游帆檣隔雲霧中流造新歌清音發眾媻巡游既
已疲神仙不可遇爲念祈招詩廣心焉所務

循吏有兒寬乃以負租黜設吏爲繭絲何以責乾沒念

彼魏二臣屬厭風饋畢豈不愛吾君懼以滋遺失
高亭發秋吹廣野多邊聲誰和羌笛歌難爲愁士聽昔
應縣官募希有絕幕名奮隨兩校尉西詣車師城夷虜
眾且桀漢障懸孤旌創夷夏登陴回首涕縱橫累月驚
弩鎧援絕城遂傾將軍旣效命舊卒皆凋零歸來室家
盡門巷荆棘平昨聞漢天子已拔單于庭微功不得錄
委弃秋艸并

贈郭昆甫

煖 助教

老儒閉門元向白牢邪石邪五鹿客寄生八益爲窶數
衰盛人閒如反手君才磊落天下奇四海賢儁誰不知

五年見子銅駝陌澹沲東風吹鬢絲朝爲石鼓詩暮奏
鹿鳴雅先生且臥鴻都下絳帳譚經澹瀟灑嗟我水車
旱資舟嗟君反衣孤白裘三月春心寄鳴鴈南來飛過
岳陽樓

爲王琴德

和題柳湖漁舍圖卽送旋里

王郎昔居柳湖裏出戶觀漁並湖水王郎今作漁舍圖
紙上蘆菰北風起蘆花菰葉風蕭蕭煙深不見垂虹橋
水澤朝飛洞庭雨亭皋暮落吳江潮江上漁邨帶寒巘
緩刺輕舟向平遠波靜鳴榔月上遲日斜挂席風吹晚
曉來網得淞江鱸尊有清酒飯炊菰蘆簾紙閣夜颯颯

風雨坐伴青燈孤就中隱約畫師意蒼茫一葉湖山次
頗似蒲帆別岸初迴頭恰見湖中寺只此丹青貌故山
拂衣歸思向雲間秋風夜火松陵驛唯有漁人認客還

感春雜詠八首

晨坐執書策惘焉思古人勲業建九州名德在一身一
身尚不治九州安能仁積水必成淵何患賤且貧苟非
秋實堅孰爲春木芻客來各有勸匪我同心親不恤同
心渺所感餘澤淪

新陽散餘互和風汎牕櫺披褐藹自怡舉象難爲名坐
有素琴彈流韻方泠泠往復動心志終奏有希聲其人

五百年遇我一朝并神理不可滅道與天地貞使我百
世下無以移此情

夜聞子規嗁朝看春已晚園天高九重誰令互激轉北
陸旣藏凌西宅復寅餞野艸青夏青衰盛吾何辨

中谷多雨寒叢蘭蔽幽阻託身萬物表英華與誰睹旣
荷春陽氣柔芳冒寸土處有不自矜養節故難侮雖無
桃李蹊豈失松桂伍葆眞復其根甘與此終古

可憐天桃花植彼玉階側旖旎揚柔枝上與綺窗直美
人出素手日攬芳菲色朝粧倭墮鬢暮作金瓶飾采
枝已空何以成秋實

陽澤降時雨卉木初萋萋黃隕豈其時片葉飛吾階
昊天施大化榮悴理不齊胡爲日與人多寡較毫釐聖舜
乃惡父牧犢遂無妻順命苟無忤焉往不得諧

橘樹多好陰乃在湘江涯光風蕩朝日朱實榮綠枝馨
香旣遠達乃託白玉墀被遇主人盼賓客皆嗟咨植根
諒非舊爲枳復何悲

昨日眾賓會送我臨漳河芳艸碧如染春風吹作波坐
有兩少年鼓瑟而商歌一爲黃鵠曲令我涕滂沱逸翮
橫萬里儔侶離別多不如燕與雀啁啾相鳴和

東王禹卿病中

羣舒山色如連雲萬里江濤蹙山動我昔結屋山中居
歛霧蒸雲日頽洞青簑短棹放中流山壑貞觀信天縱
與君初未奉餘歡各對煙波一江共而今俱作長安人
林麓朝辭暮羈鞚論交塵土一茫然迴首前游渺清夢
生平素無諧俗韻轉喉枵觸嫌譏諷雖非鷄鼠隔雲泥
忍爲蠻觸競庸眾君才磊砢出千尋匠石如逢任梁棟
雕鐫綠飾會成名枉耽清吟如鳥哢只今病臥况兼旬
朝夕鹽齏愁屢空妻子牛衣色尙欣邑人狗監文誰誦
燕山雲物萬里清落葉秋聲一庭送高蓋誰過做席門
酒徒爲具新芻蕘君力疾劇清狂尙有瑰詞成酒中

跌宕寧非軼世才激昂頗負竊途慟從來烈士志濟時
一割鉞刀貴爲用不然脫屣去人間冒伏光範稱鄉貢
君懷奇興逸如鴻我逢有道慚非鳳依違見事信爲遲
責備時賢母乃重何當去此脫吾累卻因疾愈思當痛
山光水態終不殊俗狀塵容還自恐但須鹿門攜妻子
休俟臨邛致騎從清暉萬里兩幽人迴望塵埃真一閱

奉荅朱竹君

筠用前韻見贈

朱侯磊落抱奇懷相逢意氣劇飛動視我詩筆雜一卷
商權古今真鑒洞前儒瑣屑被屏棄健筆凌空出奇縱
採玉荆山虎豹競織綃泉室鼉鼉共珍奇海嶽悉駢羅

累壓方艚與兼鞚況辱長篇持贈余大鼎特陳吳壽夢
坐覺古色盈座隅深夜秉燭耽吟諷連年摘髭取科第
射策彤庭語驚眾從古豪傑先輦轂邇來冠蓋競高棟
漿酒藿肉獨鄙夷金奏宮縣羞吟哢首春上將西出師
蟻穴初開天宇空美君奏賦揚馬儔屬艸文成萬人誦
金閨頗未掩豪雄長轡寧惟資縱送嗟余舊業本躬稼
回首寒山餘牖舊欲鼠持璞真聽熒射虎臨石枉命中
平生思就季主卜清時焉用賈誼慟只今潦倒愧君知
爽也雕龍具非用憶昔譚子劉海峯與陳伯思時余初
隨計吏貢未及相如被放歸郊垌空望觚稜鳳而今幸

得比戶居晨夕相從荷倚重吾生關塞棲遲感故人江
漢飄零痛落落獨爲燕市飲駸駸況對殘秋恐君方簪
筆入承明努力拾遺供侍從予將散髮入林深好聽砮
匄泉石闕

王君病起有詩見和因復次韻贈之

我如惰農春未種已失農祥土膏動室如懸磬待遺秉
大腹便便乃空洞由來人苦不自知未免心侈還口縱
君方銳敏有奇懷遠駕千古誰能共渥洼天馬或跼弛
那遽柔心受持鞚高掌擘分二華岳開胸吞納九雲夢
何由菑歎獨嗜余不惜揄揚雜諫諷心親料應塵埃稀

迹奇反致嫌猜眾子與一病殊躑躅惟有擁衾看屋棟
時余獨處復誰憐喬木虛庭響寒哢蟋蟀俄驚旅舍秋
蚺蟻頗惻幽房空昨君新愈幸來過依舊雄談閒歌誦
短袖百尺光熊熊未出霜縑目先送手帆寒水下金陵
一鴈秋聲橫鐵甕遠思暝浦落帆還苦怨騷人薄寒中
舊游曾對孫登嘯新詩欲作唐衢慟磊落君才祇自知
支離余德彌無用慚非犬厦任蚺蟻恥作小璣號游貢
神全聊當比木雞德衰豈敢歌苞鳳方今 聖德足兼
包坐御共球渙居重南塞宣房萬福來北治匈奴一方
痛有道未穀奚爲恥薄植乘時反足恐雲霄未上且沈

冥幅巾步屣鴟夷從明朝牆角見黃花泥酒相將一噓
關

往與長沙郭昆甫游歷城西見小千佛寺菊花甚
盛昨復過其處殘菊無幾寺僧亦亾是時昆甫媿
一年矣適竹君又次前韻來勉僕爲學舜意甚美
中頗念及昆甫竝吾鄉孫汝昂余感其事因更荅
之

去年重九天氣佳城角黃花倚風動精廬偶與故人來
卻眺晴雲出煙洞竟填溝壑且無論自比雲龍吐豪縱
今年重九故人死濁酒盈尊強誰共蕭蕭風雨動秋城

席帽短驢時獨鞚晝陰荒寺更無人臥地殘英杳如夢
寒蟬哀鴈共吟秋雖有新詩向誰諷豈期復遇翰林知
謂我才殊千百眾投詩見和託幽思欲候雲旗桂爲棟
居然雅樂發遺音豈有繁絃奏新呀中間陳義亦何堅
列櫓巖城誰穴空古聖垂教宏且遠六籍具存可說誦
尙思時述蛾子勤敢取謏聞禽犢送法言夷棄競靡詞
如退韶虞樂秦舊辨麗徒於博奕賢滑稽奚貴談言中
僕也幼志慕孔姬禮樂崩離每長慟博士書券終自哈
司空城旦成何用孤吟詎比郢中歌語人眞若遼東貢
未如口吃子雲才賦罷甘泉曾吐鳳看君少作已絕人

艸元行使桓譚重生世交游本寥落况經車過感腹痛
酒鑪從此邀君醉岐路久已深余恐但望植學培根柢
願捧珠盤譬牛從勿搜奇險持驚人似向穴中爲鼠開

桃核研歌爲庶子葉書山先生賦

丈人石研安得之蒼然古色凝寒姿開匣四坐盡驚立
蹈手不敢爲摩持黯澹凸凹水痕漬鎮几礪礪重不跛
潤氣上結雲絲浮晴天怒翻墨花碎陰厓江潭湛深黑
大澤電光劃夜晦幽輝豈非玉質蘊含芒况淬筆鋒利
昔聞漢武靈臺夜獻桃遠致會城駕餘核猶含茂陵思
不獨銅人泣元霸或言天上隕星精下入淵谷爲玉英

千秋激激風波爭至今尚作濤頭形曾爲趙宋宮中秘
上有君謨作題字御府流傳景祐藏夢華髣髴東京事
宣和文物太清樓良岳奇山錦石稠九重博古親翰墨
焉知翫物非良謀北風塵冥青城路舊物飄零竟何處
清燕當時御至尊丹鉛此日供儒素橐筆朝成奇木對
屬車暮奏長楊賦文章猶壯身衰老金石無情世今故
龍溪流水萬竿竹無數秋山點紅樹丈人雅意慕投簪
他日煙霞墨池吐

讀史

古來江海人抗懷天下事閱歷多激情沈冥有餘志賈

生洛陽子梅福抱關吏流涕復上書言之豈不義賢者
與道隆儒林惡言肆願從君子游寡學當默識

詠史

白日黯澹明河光駢駢駟馬驅王良萬廡天庫闕天倉
北斗何爲挹酒漿而樓炯照旗亭張磊落錢室金爲堂
西園車馬趨道旁詔版朝裁授使者明日司徒拜階下
後車鮐鮑前建旄擊鐘列鼎朱門高室中何物灑屑刀
君不見夏王初定九州貢茅茨已遠蟻珠用傾宮璇室
後王多筐篋司農愁屢空一任臨民責繭絲安知長國
傾梁棟匹縑持出別宮門滿堂金玉還飢凍方知洛誥

享多儀發粟當年有餘痛

臨清雨夜

昔挂輕帆濟江澤載酒同舟盡佳客兩岸秋聲楓樹青
半夜月明江水白飄零朋舊感平生搖落關河復今夕
漳水東流汶水清寒雨孤篷百憂積

酬胡君

業宏

我如游雲出廬霍千里飄飄向京洛黃山西畔初別君
溪流飲馬桃花落江南花落幾春風羈思漁陽飛塞鴻
今年乘舟玩海月片帆淮甸搖晴空西尋廬阜彭蠡側
拂袖千峯萬峯碧仙人一去白雲秋明月無心照石壁

遠公東林寺徐孺南昌宅寒艸蒼烟昏似積我對青天
空太息丹楓十月凋南州雨聲寒抱章江樓登高把酒
忽相遇昔君頗料如今不明月寒胎耀當代楚望沈淪
媚幽彩人閒得失似浮雲且對江山吾輩在清詩一唱
碧霄閒五色餘霞散湖海湖海西風萬里吹酒闌明日
各天涯青山挂席余將去嗟爾塵埃玉樹姿

望廬山

我行昨出廬山西藤竹蒼蒼陰虎溪東林鐘聲晚出寺
高巖木葉秋平溪白雲萬疊倏然合窈眇迴聽清暖嘯
洪州三月憶惝惚徑駕歸艇輕於鷺宮亭湖東日初出

嵐彩欲見一片青煙迷滄洲淼漭萬餘里巖風忽落聞
天雞屏風疊開張浸入青頗黎滄海貫石梁白日挂丹
梯松杉上接瀑布落藤蘿下拂雲光低須臾湖波興日
晦風淒淒岩峯香爐峯搖曳同菰稗舟行望遠勢還出
矯如踏雲浮動之蒼霓山搖海蕩不知處想見枕石醉
臥人如泥晚泊湖心照南斗仰視正與石門齊莫言靈
境近咫尺帆檣倏過難攀躋將游天地之一氣廬山從
我到處如提攜

漫詠三首

周道既已敝儒術猶未淪暴君方代作孟子戒思申得

國容有之天下必以仁秦法本商鞅日以虜使民竟能
一四海詩書厝爲薪發難以剗除藉始項與陳刀筆吏
相漢法合惟所遵王霸雜用之叔孫爲聖人盛衰益隆
汗治道何由醇焉知百世後不有甚於秦天道且日變
民生彌苦辛所以佛法來賢知皆委身超然思世外聞
見同泯泯

立人通天地斯足爲大儒多聞闕其疑慎言而非迂兩
漢承學者章句一何拘硜硜誠小哉賢彼不學徒柰何
魏晉閒放棄以恣踰覲然無汗顏誕說作偽書子邕及
士安同敝無賢愚淵彌雖未來人心喪已夫不學殖將

落周亂不斯須所以禁言僞宜爲治君誅述茲誠當來
慎以防厥初

子長千古士被難身何窮悲哉百年後毀譽猶不公孔
子錄小雅怨誹君子風美善而刺惡史筆非不忠文園
爲令客竊資自臨邛將死勸封禪佞諛以爲工文章兩
司馬擅爲西漢雄人君取士節優劣安得同如何永平
詔抑揚恣其胸宜乎朝廷士進者多容容所以歌五噫
邈然逝梁鴻

秦帝卷衣曲

池水生青蒲枝葉自相扶水綠平如故池上蒲成樹秦

關百二氏王才麾劍風雲萬里來圖籍河西收四郡旌
旗鄴下宴三臺燕姬趙女顏如玉輦入轂函貯金屋閣
道春游度渭南珠簾暮卷臨灋曲貴主還畱鉅鹿名小
署絕愛鮮卑束去國嬋娟意可憐新恩慰藉情難足別
有春風飄綺羅華鐙斗帳夜煙和君王欲卷衣裳贈一
片流雲柰曉何雄畧英衮冠當代指麾旦夕收江外戎
國分居大荔城降夷盡保長榆塞大度何嘗愧帝王驕
心豈免成傷敗卷衣空憶可憐宵月底花枝煙柳條婕
妤從招秦苑鴈侍中曾插漢宮貂錦袍再賜無顏色笑
殺河東金步搖當年力戰壺關關雀來燕室誠何益女

戎亾國志先荒邠係南朝謝安石千秋編簡載功名一
朝富貴埋荆棘青蒲零落水東流不見霓旌下枋頭碧
雲散盡梧桐影太息阿房幾度秋

唐伯虎匡廬瀑布圖

江南萬重山匡廬乃出萬重上人言秋晴萬里峩嶠巔
青天一點東南望連峯蒼蒼不見頂日出彩煙生半嶺
玉堂石室藏其中縱有天風吹不冷羣巖環峙不可名
巖端霞氣升空行石梁忽貫青霞落倒海流雲走空壑
萬谷鈞天廣樂鳴思鳥哀蟻一時作石門百仞當空開
吳越江帆千里來仰首見吳越俯首聞風雷何人攜杖

凌倒景蕭條六合誰友哉林岑藤蔦相撐拒驂鸞過處
原無路世閒惟有銀河數派通濺珠飛玉流平處我昨
乘小艇正出宮亭湖湖心黯黯沈黛色夕陽一半開菰
蒲是時初冬水不落懸知崆峒巨壑轟千車傾崖曲岬
天長雨山鬼幽篁人見無咫尺未登疑有命評畫看山
定誰勝煙雲絕境自人閒文采風流隔嘉靖流落常年
惜異才江山尺絹今殘剩人生衰老來無時五嶽求仙
莫辭雙

雨霽

高齋過暑雨白雲逝滄洲涼風起林杪一葉已先秋落

照耿空閒倏與蒼煙收西山轉斜漢龍角相隨流朝晡
不相知逝者焉能畱今之隱凡者未審當奚遊

田家

昨宵雨未足劇畦俟南塘果間北山雷檐溜夜已長開
門陰正重匝地垂千楊朝日尚未升風條自輕颺環村
水盡白丹杏獨含光荷鍤向隴上但聞土膏香鄰里盡
言好吾欲良亦儻勤劬得一飽四體誠安康相與不相
負莫若種稻梁

詠七國

孔道窮獲麟風雅泯無正蚩蚩六國主蟲豸力爭競函

情抱軒言集一
關向東啟四海一朝定銅柱紉燕謀天奚憂秦政屈子
放湘流信陵罷稱病傷哉鄭國渠延韓數年命當時天
下士寧蹈東海篁松柏與房陵哀歌不堪聽

寄友

一室聞秋鴈倏有江海思空水澹寒天遙待孤帆至念
君朝未來誰當共吾逝相望隔清溪西風滿林次

出獨山湖至江口作

初日澄前陂餘陰澹巖曲清流杳終古宛此媚幽獨煙
消淨衰艸風來振疏木移舟度雲影停橈玩空淥理味
後人踪興與前游屬託世楚雲裏孤懷亮自足

連日清齋寫佛經偶作數句

結髮慕勝因而復役人事秋空泝江水勝地雲帆至煙
際東林鐘月出山谷寺暖鳥諸天外中宵倚寒被劣觀
清靜理一寓情賞寄遣物非安排取境卽塵累雪餘冬
日美門掩衰艸翠清夢觸舊想卽日遇新義聊披貝葉
書終與忘文字

過天門山

設楫凌驚波連山缺東隅飄颻天門上千里見全吳鍾
阜何盤盤列城帶江湖風高黃雲動日落青天孤不見
昭明宮羅綺爲榛蕪艸白風蕭蕭枯樹上嘯鳥所以豪

情抱軒詩集一
六
傑士竹帛奮良圖良圖亦焉在樹立才須臾悲風與流
水萬古一歸墟不如和叩舷高歌稱釣徒

送演綸歸里

西風吹海月萬里散銀山
裊裊清夜席照君如玉顏
玉顏願長保日月逝不閒
如何言別遠不念相逢艱
金尊斟綠醕爲唱古陽關
男兒非藤木安得相附攀
君有江上宅青山繞如環
朝望江雲起暮入江雲閒
雲開江路盡山月照君還

送子頴之淮南

憶昔去家三千里未有交游託燕市
當時獨聞劉海峯每把清尊說吾子
尊府多年爲貴臣君才氣更凌青雲
會稽禹穴華嶽頂胷中萬里千嶙峋
歸來風月澹襟抱勢去金貂非等倫
君愛朋交重圭璧不恤家空徒四壁
壯士論心天地閒往往狂歌同落魄
去君遠下滄江煙醉臥白雲天上船
西風落葉東流水橋首南鴻思北燕
新知強對傷懷抱未若平生故交好
海峯老隔黃山雲見子依然薊門道
雄才應勒萬里勳收身豈厭五湖島
但願爲龍我作雲對子玉顏長不老
千里淮南雲水昏幾人流落憐王孫
平生志意詎如此離緒茫茫何可論
萬柳堂分韻得房字

惜世軒詩集一
驅車轢艸越敗牆高柳萬數餘兩行同來十客弔荒圃
自昔幾輩升此堂相公退直紫微省詞客盡會平泉莊
外張綠雲作帷幕中吹白雪調等簧尙餘采桷挂蛛網
已無戶牖開蜂房脫輻富門掃塵席舉案置地對虛觴
平生眩視魯郊饗日思埋迹蟻邱漿治世羣才美可用
放言吾志嗜其荒已知堯桀未須辨焉明凡楚今誰亾
默對荒陂夕陽盡獨憶秋風江水長僕夫促駕各歸去
回首陳迹煙蒼蒼

泊聊城

高柳汶川颺落日聊城煙元雲翳明月忽墮孤舟前眾

星稍磊落空水正回旋晒思燕將守辨說下魯連達士
貴逃名奚以解紛傳一朝舜世網泯迹東海邊高臺今
突兀空枕汶陽田

南旺湖

一花開湖尾千楊映綠潯孤霞照幽步春風蕩遠陰鱗
鱗渚雲合淼淼平湖深不知水影外猶受天光侵游目
極東隅頗聞岱西岑石樓瞰海日欄戶窺花林春巖滴
幽竇艸木蒙清音雲峯不可見高原誰爲尋時有漁帆
逝遠接鷗鳥沈蒼煙忽暝色惆望空勞心

蜀山湖

步登高阜巔一眺眾川會崩騰壓雲下瀆薄吹地隘南
旺夾雙鏡清汶劃橫帶當空晝日陰將雨天風大連瀾
將我心超越長天外廣宇靜蕭條歸鴻忽流瀨卷石屹
沈溶明波被翳蒼顏似團亭游中逗孤山礙據地乃偏
遐瀕江富樅檜寓目偶爲佳風景誰當最吾行未可畱
登艦遙擊汰

邳州黃山

下邳有老父來登下邳橋遺身濁世外六合皆蕭條偶
傳太公書聊以定紛淆卷舒出形迹可遇不可招寄語
張孺子起佐興王朝一身尙爲石功名何足驕我來秋

艸歇南渡黃河潮大風起泗上白雲莽蕭蕭英雄盡淚
滅仙蹟空岩嶷

題沈學子步履尋幽圖

君昔依山居孤懷晒高寄步履逐泉聲因風造幽地一
逕獨流煙千山共成翠空巖太古花不與松栢異閉絕
未成蹊焉知有開墜自與深山僻餘嵐在衣被夢渡泖
湖陂圖成廣陵市萬壑動春雲爲君渡江至余亦泉石
人因之悵遙思

贈沈方穀

昨挂雲帆來黃河流浩浩遙天沃日滄海波長風送客

淮南道不見隋朝之宮殿但見隋堤之芳艸蕪城蕭索
無可歡卻遇故人情獨好真珠滴酒斟金梧櫻筍玉截
珊瑚堆脫冠把袂相徘徊夜深星斗滿空落仰見孤鶴
橫江來身後名生前酒二者於吾竝何有嘗願登臨九
子峯又思放浪五湖口難得人生十日閒況值相知十
年久看君鸞鳳才標孤秋風吹翼升天都難策言堪詘
丞相作賦才寧非大夫豫章杞梓雲霄上豈與人閒伴
社樗楚雨才晴京口樹上有流雲不知處君望西南千
萬峯我棹漁舟從此去

遇劉樸夫

坐逢春已晚畱滯揚州郭獨立望寒潮江空夏雲作雲
中忽見君來帆廣陵落自攜蘭陵酒殷勤爲余酌新詩
別更奇玉貌看猶昨白雨灑開軒紅燈照垂幕非賴此
流連何能忘蕭索

與侍潞川鄭楓人集不其山房分韻得希字

江郭晴朝雨煙艸滋掩扉紅藥坐成晚青山仍未歸高
齋方置酒良會遽披衣垂簾石蘚長拂硯風花飛業承
慶微劣敢言知貴希所慙乏文藻況念歇芳菲終反羣
舒路相望林岫微

與王禹卿泛舟至平山堂卽送其之臨安府

往年與子游揚州紅蕖盡落陂塘秋風吹江上海月
照見蒼煙吹笛之孤舟形骸放浪各無累釣竿只欲垂
滄洲君後文辭動 天子起家簪筆承明裏我復逢

君向鳳城對把清尊思故里春日舜君返鄉縣江艸江
花不相見何意昨宵明月來重照揚州故人面一麾出
守未須嫌且泛江南水如練江南水暖揚州城亭閣半
空絃管聲垂楊一棹千絲輕船窗玉面歌童出捧手迎
君如有情錦帆畫舸競朝渡翠袖紅妝看晚明松風吹
入棲靈寺一片斜陽渡江至江雲葉葉向南飛繞遍吳
山萬重翠青山雖好不畱君爲念來朝復愁思愁思迢

迢送別離勸君努力向天涯鳳皇須下滇南郡處士虛
聲何足奇

贈侍潞川

走昔少年時志尙在狂狷希濶古喆人奮學乃所願北
渡超大河遇子燕山甸謂我如艸木臭味吾同薦步登
昭王臺滹沱蕩南面塞上來驚風白日色俱變慷慨和
悲歌流俗頗笑訕從此別春明三年乃一見相見復奔
馳豈不傷貧賤今年訪子居淮堤綠楊徧紅燈照故人
洗醖復相勸誰言壯士懷不如兒女戀感舊默傷懷日
月幾賓餞借問此何時夏屋飛乳燕嗟吾倦遠游明朝

返鄉縣身世如萍波茫茫孰先辨惟慙志業衰如何荅
深眷

雨行白沙嶺至崑冲遂宿

覽物長松杪春谷正蔥芊北望雙闕門硤石何蒼然寒
雨從中來白雲鬱鉤連山鳥排空鳴四嶺下飛泉林崖
倏開闔磴嶂窈回旋稍稍出孤邨盤盤下蒼煙霽樹遠
禽歸涇陰小桃妍俯仰羣化閒何時不推遷眞賞存物
表了遇空山前鐙窗響松澗此意欲誰傳

惜抱軒詩集二

古體六十二首

送侍潞川主德州書院用前歲在揚州畱別韻

一枝鷓鴣巢高蹈許由狷士生各有志齊心孰同願美
君騏驥才掉鞅淮南旬策名白牒中早與南宮薦家託
管絃城青樓列玉面百里雉未馴行用陽春變而君獨
何苦遠走妻孥訕任公鈞會稽豈作井鼃見已信黔婁
富寧有陳平賤嗟我游孤踪南北舟車徧索米饑八尺
攜賦羞百勸賴君每見阿欲忘鄉閭戀如何燕市酒夏
作郵亭餞經譚東魯麟曲唱西飛燕諸侯重上賓六籍

傳下縣清廟奏升歌待君調駕辯小別近郊門踟躕應
回眷

東張樞亭庶子

我愛嵇中散讀書想介猶濁酒彈素琴了畢平生願孤
生託江淮垂纓入王甸匹若菁茅微偶與芹菹薦生世
湘中帆曲折衡九面可憐牛馬走坐閱魚龍變渾沌中
央死巒壑北山訕空館復何有皓月相邀見九衢金鑰
開萬樹銀花賤不及輕薄兒珠樓聽歌徧知君亦寥寂
座乏尊疊勸惟應好兄弟短檠猶堪戀金匱紀神功大
蒙入寅餞柱石佐休明厦成紛賀燕丰采天下思奚論

同鄉縣豈如一曲士聊游六氣辨未稱八金門青山結
遙眷

次樞亭韻寄張安履

會份

天運自密移至道無遷改小夫每自私乘物以智宰往
來撓世紛茫如汎瀛海焉知鶉居德眾萬納淵滙寧憂
聳五聲而目盲五采君如懸棟材起負高費魄我如小
莛柔叩鐘媮欲怠二者同物役黽勉赴褒采昨日東風
休夏綠謝春蕾豈不感號鶉鄉思寄江菑茲意恐亦非
韋布驕錦綵不若兩俱忘養空復何待

送鄭義民

序

郎中守永州

意興艾同斯春風遊

惜軒車詩集二
至德交萬物賢否各有宜譬彼蕙與艾同被春風滋鄙
人出孤陋小若鸞燕知託君通家愛謂我相逢遲大賢
何不容而我竊自私造請百不厭童僕或劾噉雨窗黯
青鐙聽君絕妙辭清韻條邈遠南行指湘灘遠近何足
言跬步有離思儀郎古清要位望今已衰出守千里疆
豈復嫌一麾歸家酌玉尊綠窗櫻桃枝起挂衡嶽帆天
碧劉九疑曙日清崖猿渚風搖江離一聞漁父唱再繼
柳侯詩臥理丹橘閒民言不忍欺公行良自得何以慰
余羈

紫藤花下醉歌用竹垞原韻

紫藤書屋古椽椽紫藤春花復秋槁紫藤架底著書人
吟魂冢閉縈青艸過從飲酒雕龍客百歲風鐙迹都掃
由來歷世猶駒隙安得長生服龜腦況余本性杞柳直
戕賊彎回成栲栳朝走黃塵暮歸坐便覺明鐙賢晝杲
今日攜行差快意佳士花陰共懷抱虬龍兩榦擎空立
瓔珞萬條垂地倒晚春蜂蝶惜來遲夕照尊罍歸厭早
賞花京洛稀常遇吹鬢東風易先老承恩自昔如竹垞
抵巇一旦辭瓊島男兒恨不早歸去脫粟可餐衣布襖
鄙人欲作雞棲架多士自欣魚在藻乘舸春水向江湖
迴首花前幾人好

趙北口舟中作

鳴蛩溼岸秋殘月趙水白捨轡理輕橈蒼茫盡湖澤葭
菼遠蕭蕭鳧鴈時拍拍地有瓦橋城路失金隄石民昨
歌子威皇今謂河伯不見秋歸壑那免春無麥坐愧田
居懷未辦經世策想見滄洲人煙波徧咫尺

景州開福寺塔

俗云景州塔爲天下塔王

百里見卓錫震且仰雄最叩門謁香臺據地乃非大削
立外無堦穿空中不礙矯立長風巔萬里散秋籟天地
莽相圍白日轉檐外太行青嶂斷煙霧積幽藹漳汶與
滹沱流空忽交會帆檣趨溟渤鴻鴈下吳會回首送秋

雲蕭蕭出燕塞緬思開皇年建造盛幢蓋移國女寵階
貽家適宗廢福田安得長遺迹歸猶在嗟余塵鞅倦聊
駐絕景對落景下層梯茫茫廣川晦

德州浮橋

運河繞齊魯勢若張大弓隈中抱秦嶽兩簫垂向東德
州倚河壩南北通要衝帆檣遶其外車馬出其中浮橋
與流水午貫相橫縱嗟我游中原來往如飛鴻弱冠一
川水屢照將成翁大澤涌飄雲滄海起飛龍鼓蕩漳汶
氣日觀交鴻濛落葉下河隄飛雨來淙淙觀河吾眼在
憑檻望秋風

九月八日登千佛山頂

泰山出青雲天半蒼然獨梁宋暨東溟萬里環其足陰
嶂走濟南雲濤尙奔蹙勢盡尻益高塹斷無陂麓振衣
斗直上陟磴逾援木落葉下灤泉秋風散海曲一卷華
不注拖雲點青綠猶見山花開顧絕樓鳥躡高寒不可
畱歸來泛秋菊

大明湖夜

南山已暝色回見明湖光秋盡濟南郭渺然江水長中
流上新月輕舸復徜徉煙昏鷗鷺宿波沈蘆荻蒼孤往
仍中夜回颺城曲涼亭楸高拂霧寺棘下零霜佛幢猶

立魏名士正思唐安知後游者聲迹永相望

從千佛寺回過洵突泉暮飲張氏園

濟南城南山正橫人言山前舜所耕崩榛衰艸蔽秋色
古井深崖餘昔清曉入南山僧住院爲訪北宋人題名
初陽穿入洞窈曲佛龕鑿破山崢嶸大明湖動水雲白
華不注抽煙霧青惘然憑欄忽歎惜古人不與余同生
南尋日觀諒未可回念灤源重一經流穿山骨軸中出
人遶漢魁輪外行誰言渴馬半崖水解作黃牛三峽聲
顯晦動靜一致耳惜哉枉使羣兒驚敗荷衰柳下零亂
夕陽逝鴈高青冥卻入荒園洗盞坐旁有小泉時復鳴

白河

京師如倚屏其北萬山立往往塞外水南穿塞垣入旋
衰才沒蹀躞盛懷原隰未出軍都障斂若衣在拾汗漫
順義西每當驟雨及橋梁旣突壞猝又無舟楫
聖人歲北巡虎旅萬羣集灌漲夏秋交吏以供張急治
道艸露閒隱慮事不給六飛竟安驅神靈信懷輯我來
辰角見征衣不挾笠明當迎 翠華夜渡漲沙溼彌知
近塞寒霜風凌袴褶

送張樞亭少詹爲晉陽書院山長兼寄朱石君方
伯東坡在密州除夕詩云龍鐘三十九勞生已強

半鴈與少詹方伯皆辛亥歲生今三十九矣故用

其韻

吾生如尺捶焉勝日取半少壯曾幾時撫節能無歎昔
年十八九里舍共嬉玩見君升明堂瑤壁薦角散鄙才
何所中強逐冠蓋伴賢愚別驥駑征邁同昏旦凋年感
新歷短檠熒舊案坐閱燕郊晚行想淮流亂懿君清素
懷室闕奉匱盟聯居幸時近呻吟聞鄭緩倏遭浮雲翳
孰辯清濟貫余才從俗客署尾豈非孺孤懷復送君冷
若冰中炭郊環如可待休踰燕昭館運會有屈伸賓餞
易寒暖別離不可數垂領彭行祭

代并控朔漠連峯矗天半形勝擁晉陽英傑昔稱歎碧
玉唐叔祠春陂足流玩俯仰一古今擲筆朱霞散誰爲
賢主人十載承明伴方伯氣俊爽清風發平旦孰言揚
馬才治乃任牘案淮陽一臥臨渤海何憂亂垂澤已如
膏虛手真若盥君往風景地流連帶其緩頓使庸俗目
驚見兩窻貫誕生同一歲少長惟余懦窮冬方兀坐雪
窗聊撥炭想君越井陘稅車行授館專文列士興吹律
窮谷暖離立不可參曷由發笑粲

安肅道中

簷聲三夜滴牀頭海日三朝照衣領風清每快行人意

泥滑仍爲車轍梗南行常遠西山麓青銅新沐煙鬟影
出岫溼雲行自媚蔽野綠陰寒且靜高禾連壠出苾粲
行潦逾道跳蛙黽更有水田白鷺飛便如長夏江南境
少年燕趙苦行役十七年閒一俄頃故人黃土寧復見
古道荒煙聊自省竹輿夢斲一蕭疏高木嘶蟬挂殘影
甲戌往王端木楛太守署所經此今十七年矣

獲嘉渡河

河北山形壓天半左挾軍都東海岸雲騰風掣到河陽
二千里餘青一斲我來經過衛州西雲巘迴頭百回看
竹林亭立明玕清原泉飛下珍珠散想見幽人尙考盤

安得同歸脫鞵絆北風忽出白陘口吹渡秋河百川灌
山川聊供中流喜舟車顧有知津歎西南廣武數峯來
屈指英雄幾夏換

許州

初秋過潁上艸木尙蒼然午日澹平野極望空無煙亂
蟬相繼響獨樹垂陰圓舊渠八九廢許下猶良田如何
文潞公種竹纔嫵媚行受使相寄不見車蓋旋荒園今
亦盡潁水長涓涓

西平

明月鄆城頭汝水下激灩五夏楊柳底渡艇聞魚噉水

南人未起行行一鐙閃鐙盡天轉黑數星澹可覘冥行
不知處高下似原塹此閒入蔡師吾心爲一念館人邀
我入酒幟曉挂店適已具晨炊行早食定欠秀見婦孺
喜今年秋禾贍軍罷驛傳稀民吏安眠暫吾寧作典農
差愈棠谿劒

吳戍橋

已盡韓鄭郊始入青山路積雨曉未開前嶂隱忽露風
林上蕭疏谿水下奔注傳聞元和初於茲畔藩戍地險
九州分天子一朝怒上相歌采薇嚴軍入懸瓠千營盡
凱歌三州始內附豈罄作輔材差免輿尸誤當事始知

難斯人豈常遇沉沒不可論寒陂下飛鷺

渡淮

朝日出復陰廣野風浩浩淮源山萬重飛流下穹昊渺
然走滄溟梁楚在襟抱汝穎交東環穰鄧控西道秋水
欲歸壑憑渡馬腹燥播首桐栢陰展坐淮南艸隧岸鳴
蛩蜩邨簷挂梨棗風土近鄉里問語向耆老西成未爲
惡苦被飛蝗惱連材撲未盡何以實萬寶長嘯招西風
害氣一吹埽

應山至孝感道中

山光異遠近閒若重樓花行人度高下起落波中槎足

迹未辨耶隨國半生左史窺浮夸義陽關南出鳥道縱
觀蒼壁激朝霞野田茅屋秋未冷高藤翠木樛相加干
峯南盡出江面一鳥東可投吾家上游勢已據荆郢左
肱屈更招蘄巴胷吞雲夢不芥蒂囊括漢國無離瓜宜
有奇才表荆楚不然深谷逃磨麕惜哉我行不得遇翩
翩且逐投林雅

寄仲孚應宿

曰余性質啞諧物無言詞游宦二十載殊乏新相知依
依鄉閭愛握手自艸羈臭味若椒蒱非是孰爲思今年
覽雲夢飄飄來沙羨江漢一以會秋水浮天垂廣川起

孤望日落吹參差憶昔各年少共戲激江湄青天澹秋色帆舉風颺颺海月萬里上屬酒酬清詩歡樂去不復青鬢將成絲萬事無不改風景長如斯拂衣便可去潛霍吾前期

登黃鶴樓次補山韻

夷陵西望巴山連大江出空如墮懸奔流一抹蹙滄海大別黃鵠橫障天導江至此一夾東灤泗衣帶高樓前憶昔赤烏始築邑憑軒雷鼓空江填此閒開勢自明遠釣臺樊口誰能賢一朝金馬瘞吳郡何殊總帳臨漳川高樓千載幾興復傳芭士女徒哀憐因山命名義自當

俗說詎可丹青傳虞翻地下應大笑孰逢黃鶴騎飛仙我聞譙郡戴仲若往往野服從斂叟仙人母乃卽此是惜哉林壑空蒼煙農部腹中有武庫瘴鄉幕府嘗周旋梁入深穴縛虎子欲效左手如羊牽正當千里縱黃鶴豈將一渚從棲鳶嗟余年往道亦廢顧思暇豫偷安偃陪君欲鼓瀟湘柁湖南未到秋雲邊漢口暮見樓雉影江風曉踏蛟龍涎晴空子子上反宇天幕澹澹垂重淵無心坐見白雲滅屹立惟有蒼山豎人閒萬事不須說跂足當樓聊醉眠

雨登岳陽樓

衡疑阻南服江漢朝東溟巴陵山澤會煙雨長晦冥風
交廣漠野雲起盪天經荒忽洞一氣焉揚帝子靈坐銷
積霧白稍見君山青波下辰陽渚秋來襄郢垓澹余千
里客城觀此孤停奄落西陵日餘陰橫洞庭咸池行復
奏倚待與誰聆

由橋頭驛至長沙

雜樹接行雲晨朝吐清氣遙望西峯頂已上丹霞蔚遠
山狀一同近嶺形千彙澗霧忽成陰巖蘿密如衣冷風
發空響幽愴多髣髴漸出深谷口始縱秋泉沸湘帆轉
昭曠途夷晝經緯迢往湊舟車趨來孰涇渭物象條以

遷亭午待猶未緬憶獨居情將毋狗俗畏

嶽麓寺

兩巨松數月前風拔其一

萬林圍一嶺古寺仰白日客來亭午後峯陰落嶂萃山
巔長風起鼓盪四蕭瑟寒聲沈谿涯激轉久未畢老僧
寂來對坐石邈悽慄延登佛閣望清湘隔林出雉堞帶
洲斜帆檣轉雲疾此身偶南寄天光正東溘新霜倏已
零斑駁青林密殿角兩鬣松風雨失儔匹惟有石閒泉
激泓總如一前賢杳無見來者悵難必試將萬古懷移
問金仙術

九日渡湘水

夜雨長沙郭餘陰被湘洲攬衣趨朝津朋好方維舟微
颯颯以生澹蕩向中流初日忽東上連山正西浮葉落
洞庭渚邈然江漢秋昭曠有餘景沉沒靡前修涼風送
陽鴈空景弔陰蚪孤思安敢極良會聊相求

詣嶽麓書院有述

夙秉宋賢說太息懷斯文矧近講席前遺趾播餘芬湘
東望湘西連山如陳雲亟渡入谷口空翠四邊分築室
倚岸峯開宇面巖垠當門古澗響環墉高樹曛荒榛延
暮色冷風交遠聞去之六百年垂教志何勤藹彼援鶉
手傷茲獲角麋吾生志不就斯世逸無羣回臚天地晚

空悵逝沅沅

鐵瓦祠

寒雲飄烈風盤石壓其上後踵倚絕壁前趾踏驚浪老
松奮壑底長鬣屹相向結構託翠微丹青昔何壯元武
盛嚴衛髣髴動幽愴好從神霄淫迹自宗藩創神理有
誕欺人事閱興喪衡岳百里外隱然出南望吾聞董鍊
師玉顏故無恙解帶逝從茲將入青霞訪

爲香茝兄題秋梅圖

梅花如幽士盛滿每不居澹泊向春風養氣故有餘兩
晴白日暖天葩還自舒八月風露冷金波滿堦除傾城

矯獨立疑來霽雪初主人昨何往密箚蠻獠廬伐畔安
反側功豈崇誅鋤排斥蓐收氣獨任春扶輿寒廳樹歸
眼香影橫空疏借問花無心何爲能待余君看同晚節
芳情長宴如

隆興寺閣

烈風吹沙昏天低雪將至晡度滹沱水騎入隆興寺結
阿層欄轉鬼閣當空企平當金像面下臨欲無地伏聽
驚颺響緩送飛鳥墜迴首諸天外蒼然向幽冀自從隋
唐來恆州幾鎮帥轂綰太行口旌麾委兒戲頗懷宋藝
祖親攬六龍轡方釋晉陽圍迴出土門騎山海近英盼

渤碣枉指臂圖黯隆準顏堦存刻石記黃土蔽賢愚萬
古一幽翳冥冥止觀理漠漠浮生事何爲李匡威獨下
登高淚

定州遇雪

夜出真定府已行一百里日晡人馬倦西風大無比大
聲長遶空沙石四面起竹輿轉人肩翻翻欲見底偷眼
望太行亂雲出其裏落日映其上昏黃到山趾投憩道
邊廟相對袖縮指面色纔一回計程不可已入輿坐龜
息下帷任所詣漸聞棲鴉聲始知風稍止張燈到定州
空庭月如水欲看雪浪石城閉二更矣夜臥聲更寂寒

光忽透紙不知何時雪茫茫
沒人履踏冰渡唐河隔岸
朝暎啟

長椿寺觀明劉孝純太后畫像

辛卯年春同數客宣武門西登佛閣壞牖長椿寺裏來
畫圖崇禎年間作仰瞻后像非副禕卻號菩薩佩瓔絡
莊烈自初封信邸顧影摧心長已矣夢魂不識劉孝純
外家顧見徐夫人法駕淒涼迎畫像髣髴平生真未真
內宮已拓奉先殿外寺還修香火因當時圖像別有一
供懸卻在瀛國室宗社竟至甲申年威里都爲灰燼日
太后門真忠孝存一朝畫與山河失不知寢殿託誰人

惟有此圖長仿佛君不見前有九蓮菩薩容奉之乃在
東嶽宮松楸石屋深陰雨神鬼虛檐交冷風興亾死後
誰能必富貴生前迹已空罷歸三歎徑歸去澹澹青天
翔暮鴻

會試出闈作

季春八鎖闈土青芽未寸漸復槐枝暗鷓鴣毆納鳩逐滿
堂皆彥英末座寄頑鈍朱紫目爲眩反覆心亦困仰屋
偶欠伸放筆才一飯單緒少黨親愚者昧恩怨自任平
生懷豈爲他人勸丈室忽託想風隄吹馬噴徒有遙山
青隔城不自獻靜極遠囂來髣髴雜裨販今朝始縱步

情抱車詩集二
妻孥迎問健坐看轉夏陰掩戶散無悶

沈椒園按察晚芝亭圖

昔侍先伯居鄉邑四海賢人嘗語及清如水雪沈御史
復有瓊瑤好篇什出持使節海岱開吹滿春風開東溼
生爲後輩見之難公至暮年名轉立郎君與鼐再世交
尙書禮曹先後入每看鶴骨出人羣輒想龍門趨父執
京師昨竟到軒車謝客未嘗容拜揖鼐也問疾就郎君
語重行艱年七十傳將畫照索題詩展冊欲書昨已泣
卻思先伯年正同曳杖歌先駒影急幅巾終冀一升堂
白旄忽看翩指隰從茲前輩彫零盡况復孤生塗路澁

城邊執手別郎君歸看畫圖仍在笈紫芝深谷自長生
茆屋秋風爲誰葺惟有名德寄人閒兩家後裔收文集

王少林

嵩高

讀書圖

我初訪子在揚州天寒攜手王夢樓破窗鐙暗風颼颼
擁褐無伴聲伊優推闥徑入驚仰頭王君戲子令子求
指我君識是子不多君曾未一面謀道我姓字能探喉
王君撫掌笑合眸一朝省試同見收無錫尙書賓館稠
朝退論經幾客畱召我與子時從游王君先達居上頭
我才於世眞一鰈俯仰郎署斑生影尙書零落今山邱
王君放浪江湖舟邈然罷郡歸幾秋笑我滯迹猶貪媮

君如百鍊不改鏐名在吏部將鳴騶偉建功業爲民休
正當容我狂不羞少日讀書老壯猷回思故迹真雲浮

夢樓少林及鷲皆出秦文
恭公之門而夢樓爲前輩

送沈觀察

清任

赴四川同知任

古槐連理陰初綠

禮部後堂庭有槐
連理明朝植也

我始逢君偕署牘

春長風暖笑談餘身若停鸞面如玉旄麾忽去暮堂空
葉落霜初森似束使君行部向窮山吏議藜輕俄折軸
全家安否託江湖罷俸如何飽饘粥君還京國足如蓬
我老塵車耳生木浮生託迹皆偶爾往事回頭嗟夢速
喜君容貌愈充然有道何嘗驚寵辱亦知傑士不長閒

所惜歡情猶未足竟作西南半刺官終起休明九州牧
小蠹沈黎兵欲銷大舖成都酒應熟不須別緒道酸悽
好與疲毗作膏沐

送張侍御

敦均

歸里

昔交湯緩叔信覩儒者傑好學老不衰養懷貞素節自
還江上廬奄忽喪明哲當時承學徒幾家誦師說侍御
獨尊聞前賢道未歇澹無才知競真抱與眾別與君居
連巷頗覺造請缺世外託知賞豈必相見熱羣才方進
用君子胡退列旣往發遺經繼學良可悅日月正遷流
所憂變齒髮俛仰尚後君豈不媿頑劣

甘泉宮瓦歌

漢家離宮渭南北前俯終南插天色椽欒山北古明庭
盛夏凌兢寒不釋萬乘長安未足居迎風既立增儲胥
年年避暑雲陽去儲侍千官趨道途紅光翠氣相陵亂
甲帳珠簾設霄漢美人鼓瑟待神仙羽林拱衛行人歎
弄兵戾子起觸瑟何羅來甘泉見聞乃若此土木壯矣
人危哉宮車卒別寒門道費宇雖存瞻可哀嗚呼況復
狐兔穴零瓦當年一膏血捨置耒耜作陶旂鞭笞畚揭
升帶寬辛苦前人匠作誰摩澤今日形樵別君不見林
光既秦餘九成亦隨舊宗廟既已夷怡心猶未究先王

宮室蔽風雨侈君土木衣文繡千室已作向南山三輔
幾何不苑囿茅茨太樸固未能露臺不起寧非厚陳屋
三瓦戒居盈作室幾家貽冑構對此悲傷千載心漢事
已過良勿又

羅兩峯鬼趣圖

形役此勞生束縛日來往謂當返其真六氣同一廣如
何釋委形轉受拘物象匹若脫繭蛾翻飛挂蛛網君看
隙外光穿落窗中壤或方或橢圓橫斜直曲枉游光倏
忽暝竝形究安放萬象不可窮顛倒由一想幻作三途
業何異景罔兩畫師如說法染筆與幽愴變狀悉呈露

目觀非鬚髯觀象轉得空智者一反掌天人阿修羅一
超無上稽首証導師茲義實非調

萬壽寺松樹歌呈張祭酒

裕舉

萬壽寺有元朝松七株偃仰無一同五百餘年到今植
幾時變化風雨中我來頻見尙動色挈攬未敢趨當中
甲戌京華夏初及禮闈始散羣賢集翰林邀客會城西
寺門正帶朝暉入冥冥氣蓄雷霆寒颯颯風搖露枝溼
是時同輩八九人爾也年纔逾二十同披單衫跣輕履
一時散向松閒立風流諸客皆好文當筵意氣陵青雲
有松嘗經幾輩客高論松前曾幾聞自從車馬寺外分

十年一半爲邱墳

甲戌祭酒爲編修分校出邀同游者張鏡整閣學涵暉助教馬牧儕舍人

方午莊明府眉山孝廉今皆歿矣

嗚呼此地松猶在薄游曳杖僧窗外

萬里秋吹遼海空重陰晝塞西山隘獨聽颼颼恐欲生
況經搖落情先廢借問種松樹松樹何處無吾邑最南
境何止百萬株上枝搖蕩潛霍雲下根磅礴松山湖往
往中有宋元植榮枯蘿葛騰颼颼年少去之歸老夫何
況不歸使松孤君不念男兒莫待齒髮脫無情松樹始
長活

嚴侍讀

長明

散木菴集時嚴將南旋

風日一何佳初冬殊未冷高齋客來暮檐陽露俄頃小

庭木盡脫蕭蕭散空影所貴人心閒適與物候靜平生
值數賢驟見良已幸招邀况一室行不待造請主人無
俗懷稍爲設蔬茗既脫形骸累觀醉不妨醒試思士多
才奚啻木有瘦苟得謝斧斤何嫌寄幽屏所惜送將離
屈指江路永曷以盡餘情宵深燭猶秉

延祐元年江西鄉試石鼓賦卷題後

小賦八首蘇君書我初見之詹事

錢坤

載短檠風動目

措頻長卷夜寒手鈔怯延祐正當无運中詔書初行貢
舉法主司聘用行省書布衣名上州縣牒十八路竝集
隆興第二場中題試帖至今異日蹟還畱想見同年心

最愜當時鄧公主浙試深裒吳生奏鄉捷聲名傳少惜
終淪拔取雖多頗非躡低徊千載岐陽鼓笑談一代慈
恩塔文字貧兒矜敝帚宇宙飄風吹落葉賦好誰人手
可又時過幾日鬚當鑷童幼嘗爲揚子雲長大更思袁
伯業世閒筆墨未能拋太息古人譏日睫

章華國課子圖

君居西郊我城裏同飲桐谿一谿水我行京國百不歡
惟見鄉閭來輒喜值君新著隴西績收縛窮姦才折筮
侍中贊引入金門天子書名畱玉几出同燈火倍欣
然行異關河良久矣室家勞問到髻羈歲月崢嶸看髮

齒一經君已勝竊金四十余才射蓬矢根柯羨說長豫
章圖畫更教看駮駟失笑天吳紫鳳閒那免任童蔣翁
恥君行努力快清時身活千人家必起卻賦徐鄉有二
雛所愧衰遲如子美

寄蘇園仲

蘇君信慕古閱世如有道蕩蕩胃臆閒不知何者好小
心眾人內高視萬物表徒欲春馴雉而羞夜撮蚤作吏
見不能收身豈嫌早平城山後郡八月衰塞艸蠶狐祥
一邱固由佳士少君往聊託居已使陋俗矯日昨向汾
陰南行就稷稻目病細書難交疏吳語悄兒瘦苦憶翁

女嫁已泣媪授館賴主賢妻孥稍相保嗟我別君來仰
見昏中昴千里懸一心頻搖不可爪位置賢者生豈不
在蒼昊正以松栢姿不厭藜藿飽諸生朱游客數番山
公嫺寄聲問起居曷以終素抱

十一月十五日雪翁正三學士偕錢籜石詹事辛
楣學士登陶狀亭回至龔寓舍與程魚門吏部曹
來殷贊善吳白華侍讀陸耳山刑部同飲至夜翁
用東坡清虛堂韻作詩垂示輒依奉和竝呈諸公
西山指海如龍蛇揚雲弄霧行衙衙九門陰靄塞朝景
雙闕明光開玉花羣公欲眺山半脊高閣上出城千家

皓空正對北風斜陽忽送西林雅八逢日至任京洛
又見郊仗陳莖葩好景宜從容游戲碎事厭聽人梳爬
惜未聯鑣踏冷絮願承枉轡呼煎茶月堦凍面行蟻蓋
雪地立奴垂馬撾漸至中宵柝三兩猶取前輩文稱嗟
後來知要道今不自記過眼看雲霞

爲翁正三學士題東坡天際烏雲帖

東坡自謂字無法天巧繩墨何從施青霄碧海縱遊戲
自中律度精毫釐嘗託西湖佳麗地仍記閒情書小詩
前人不見蔡君謨後人不識柯九思人生翰墨細事耳
古今相接良賴之學士新作蘇米齋欲飽看字瘳軀饑

此冊神妙尤所祕雲煙閱世憐公癡今朝我受作公病
歛冊向篋重手持日午來看到昏黑兀兀不樂歸車馳
學士平生妙臨本試作嘗眩真鑒知請煩冰雪襟懷手
再寫佳人絕妙辭

三長物齋詩爲魚門吏部作

椒花吟舫學士朱十年種樹茲舊廬主人擁節江山去
遂使程侯來借居長身美髯眉鬢疏吟誦齋中朝與晡
窳病聲名五十載劣將文字調妻孥埽除萬物無一須
猶藏玄壁值連都咸亨舊碑北宋揚同時一硯遺大蘇
風流頗與前賢俱文力猶健斑生鬚天地大矣偶相寄

三物一身游有餘學士江南昨寄書齋前修竹復何如
春風欲展小庭綠晴日洒空軒檻虛我亦長安一腐儒
戲弄筆墨來停車人閒長物伴閒客正爾齋中不可無
送吳編修敬輿
吳侯自學道往往造淵靜不以宇宙廣而爲一塗競桃
李常不言儕類輒愛敬乃知君子器宐從大夫政在朝
量已優告歸韻尤勝名班三殿旁身逐一帆正花落春
水生天合松陵鏡或逢鄉曲人爭席昧名姓刈艸先人
廬種松邱壠徑倏忽秋風生相望北枝勁所恐竟脫屣
杳與海鷗泳

董賢銀印歌

爲嚴東有作

渭南城郭都非故南對南山止陵墓書生嗜古寶殘餘
忘卻興悲啟幽戶小篆鏤銀印紙紅土花新洗到關東
回頭秦嶺傷心碧袖裏金貂漢侍中

花朝雪集覃谿學士家歸作此詩

京師信人海時時遇賢哲事會一聚之倏復岐車轍出
動千百里入乃限禁闔遠近雖則殊容儀皆邈絕獨茲
五六人有職幸非熱從游頗最久盤筴遂屢設亦知天
運旋終當有離別在目且欣然流連詎能歇正如春未
深坐賞花朝雪平生覬聞道隨處知可悅清宵接嘉論

有蒙固當發遂歸吟塵窗耿未寒燈滅

述懷二首

門有吳越士橋首自言賢東帶迎入座抗論崇古先標
舉文句閒所守何寥寥誹鄙程與朱制行或異旃漢唐
勤箋疏用志誠精專星月豈不輝差異白日懸世有宋
大儒江海容百川道學一旦廢乾坤其毀焉寄語幼誦
子偽論烏足傳

昔者先端恪實作虞廷士質對與神明非邀矜恕美一
端或自咎中夜輒懲蹠當時網信疏奸猾亦衰止

先朝忠厚統所垂良遠矣自是百年來法家常繼軌刑

官豈易爲乃及末小子顧念同形生安可欲之死苟足
禁暴虐用威非得已所慮稍刻深輕重有失理文條豈
無說人情或不爾不肖常淺識倉卒署紙尾恐非平生
心終坐再三起長揖向上官秋風向田里

魏三藏菩提流支在胡相國第譯金剛經刻石拓
本

佛在祇樹園當時說此經須菩提踞前涕零復有千二
百五十人旁聽艸堂寺盛泰姚興鳩摩羅什天竺僧譯
諸經品中此經爲大乘後有菩提流支來世言可埒羅
什才侍中崔光爲執筆相國之第爲之開別出譯本劄

崔嵬自從西晉亂震旦人最苦是時佛法興經律徧中
土大慈無力拯橫流象義猶能歆暴主其閒暫廢太平
眞君年厥孫事佛俄加虔廢者奉道希神仙復者詔媚
求福田糜爛戰鬥峻刑網窮飾寺廟開法筵太和以來
旣南渡洛陽仰藍起無數胡后宮闈不可言永寧佛圖
功最鉅後胡國珍前馮熙敬事釋門皆后父富貴已極
憂死生外戚無功謂神助譯經更薦國珍死作福寧非
太后故我聞佛法不可文字求廓然無聖道最優天宮
龍藏積萬卷紛紜律論誰窮按其中佛語魔語雜埽除
皮毛見正法章句文義若爭巧不二無言何處荅君不

見胡后起自姑爲尼死入雙靈寺內棲其始以此終亦
此妙義那知葱嶺西河陰朝土埋碧血洛下宮闈生瘞
藜祇有青山宗片石畱傳絕域舍婆提崔光執筆事見
三藏法師傳此
譯本云佛在
舍婆提國

錢詹事座上觀沈石田畫檜歌

三百年中畫第一天趣橫流腕閒出弟子尙作文徵明
先生自入董源室長卷大樹爲者難屈伸神鬼閒雲關
忽移拔地風霆閒紙上已作千年斑常熟蕭梁七星檜
七株今尙三株在一株橫空偃圓蓋二株曾遭雷火焚
直幹依然挺靈怪海氣沉霾古觀中行人太息虞山外

微君攜客游觀之自從圖成復寫詩豈徒艸木生顏色
談笑風流皆可思吾家乃在舒州住未過鎮江東一步
會聞此檜不曾逢卻憶江帆建康路壬申之歲給事園
往看六朝之松樹長鬣上激虬龍鳴蜚身下作狡犀怒
江寒浪湧排風煙日落天空走雲霧此松此檜遙相望
神物而今松獨亾樵薪荆棘誰當念寂寞巖阿亦可傷
人閒貴賤誠難測且展煙霞吐胃臆作畫看山終此身
富貴不以離其親已逢淇治昇平日更作東吳偃臥人
古樹江南春復春可憐輪轍盡勞薪世閒詩畫猶餘事
令我長思真逸民

王舍人友亮坐看雲起圖

潛皖萬嶺江之西朝雲暮靄長升躋吾家乃在雲中住
出戶二里三里迷江上看山卓雲立畧與吾居平地齊
吾嘗策杖更西上猿捷鳥逝非常蹊嶽雲盛氣遠蒼合
何所埋殿元封珪窮丹踰翠亂雲墮其上點點才如鷺
乃知大山宮小霍一邱軟艸平流谿不謂坐處已漸絕
但覺四面峯頭低雲生石罅走一髮下作霹靂淙鳴哇
繚繞連峯態萬出咫尺晴日交陰霓暮宿僧菴光正白
月橫露壑風淒淒晦明朝暮看盡好惟有遠別無由攜
君家看雲昔黃海新居乃卜長干堤崇山到此勢已盡

吐氣猶是龍虎棲欲窮餘霞散綺色請登天闕攀雲梯
嗟余送子隔雲外獨憶秋山猿夜嘯

七夕集覃谿學士家觀祈巧圖或以爲唐張萱筆
也

驪山秋樹圍宮殿列屋同居異歡宴人人七夕望牽牛
歲歲秋風落團扇渭南渭北明河光張生腕底風露涼
定知紈袖停針後金井殞梧聽漏長玉貌綺羅天寶末
霜霰未深炎已奪宮中兒女爲情死牆外書生籌國活
燒燭披圖又一時夜深題作女郎詩青天纖月長如此
巧拙人閒那得知

今歲重九翁覃谿學士登法源寺閣作斲字韻七
言詩亦以屬韻而未暇爲也學士屢用其韻爲詩
益奇臘月飲學士家出示所得宋雕本施注蘇詩
舊藏宋中丞家者欣賞無已乃次重九詩韻

學士金石搜南朔攬異爲詩工刻斲閉門高興逸如雲
舒紙揮毫疾逾颰今秋九月金垂砌西嶺無雲玉出璞
霜寒勇上寺樓看風舞懸旛翩不卓成詩淵海得驪珠
欲和空倉饑雀啄茲晨招客爲看書來似鴻儔飛撲撲
雕鐫遠有嘉泰字收藏近與商邱較蘇詩傳世幾千首
高語去天真一握當年獄案可悲傷他日注家還踏駁

此編晚出施顧手黨禁正解東南角後來補闕更何如
虎賁雖在中郎邈耽詩愛古皆結習計短衡長非大覺
會薄富貴書何厚甘典衣裳襟可捉子瞻自是千載人
學士豈比無心學佳本與公吾亦欣叩門會辦來觀數

用前韻贈朱竹君學士

嘗聞至德還其朔緣飾雕幾皆鏗斲忘情世患了不驚
絕勝爰居避災颺先生宿有超世量刮摩無功完太璞
出受使命寧熱內善誘諸生忘苦卓先幾獨奏啟鴻文
後學多聞承敲啄世人那悟鴛鴦德織兒枉作蚊蚋撲
卻思此地羣冠蓋昨歲春風送重較僕時貢院從有司

不見乘輅節在握默懷鄉郡江淮上道樹未嘗忘六駁
懸知按部方千里曲若回文周四角傳聞山水頗流連
復有篇章發幽邈歸校中文亦復佳人道左遷原不覺
最欣朋好復尊前風月不須勞捕捉子長好奇餘一病
枝葉曷芟歸本學與君差近古人交苦語未嫌朋友數
賞番圖爲李西華侍郎題

禹昔導川疏溝渠四載不及東南墟漫天漲海游龍魚
西畛閩越東尾閩百島散處黑子如自漢不屬王無諸

聖朝持載配地輿鄭氏世竊蠻島居曷不稽首朝
殿除仁皇在昨二紀餘天戈南指皆薳鋤設立

郡縣軌同車御史監郡法秦初歲在困敦月在余臨川
黃門受詔書南征輶傳前建旗舉帆度海風帷祛宣恩
諭德遍里廬是時萬彙蒙煦噓啟之闢之其檉楮遠屋
種竹及芭苴枸櫞餘甘椰柗欄四時青青百穀蔬流脂
稻米有餘糈轉市海內連籩條吏治清靜絕詐狙因俗
示禮兩相於海風不復遷鷓鴣番人秉性豈異余與民
雜處颯并餘春秋射獵山作法篋帶束晉瞻耳鑿身衣
鹿皮弓箛筴沙魚登岸脫填淤距躍三百如蟾蜍迹纏
迹速升山岨舍矢麗龜及豪豬相聚牽臂飲以醪好人
怒獸或齟齬撫之有道難自紓艸薶禽獮豈義與使者

治定靡紛拏乃命頒賞布燕譽天清海宴風颺裾使者
之幄面廣虛諸番部眾從長胥相排壓背厯驅馳佩刀
守將跪舉袂受命分賜金帛練牽羊肩酒持巾帑既賜
拜舞歡情攄蠻歌振股疑蚣蝮使者閱歲蓄未畚歸逾
江淮超青徐清廟重器升璠璣司空度地九澤瀦藐彼
外郡隣沮洳有番海上思欷歔道山延閣冊廣儲公與
羣儒聯珮琚春風思遠夢蘧蘧陳圖示客言既且遼哉
古放龍蛇沮天子代來恩澤滑上褚中褚賜衣柳黃屋
之國少躊躇於今絕域覆腋肱魯鷄伏鵠如蜀雉此圖
稽典宐寶窟乃知柔遠術不疏

篆秋艸堂歌贈錢獻之

古文遭秦燒不存當時丞相篆獨尊登山刻石作螭匾
頗取茂美異本根嗚呼秦人尙刻盤自茲書亦含秋氣
魯壁再傳蝌斗書相傳竟斷衛伯儒世競艸隸篆益疏
卓哉陽冰導二徐破碎都無保氏義瑰奇獨繼秦人撫
錢君晚出江海陬學篆欲溯軒黃初艸堂多秋懷用意
亦何孤豈但用意孤筆力不世出金壇王侍郎先朝篆
第一濡毫未免先著漆布置雖均生氣失錢君寫篆不
擇筆冥合豪釐未嘗濫乃知天巧工中微不似麤工常
縛律君家詹事今古人君與學古情益親詹事登朝三

十年大儒師保居虎門嘗見所作篆亦如儒者端拱齊
鞞紳況君年紀未三十老生相逢低首立家學益承安
可及明廷待君雖未入經術終當佐天子挾策那能歸
下邑長安二月春風來艸青欲出花未開江湖夢遠春
水白篆秋艸堂安在哉門多問字揚雄客聲振羣公賈
諛才盛名雖好戒多取千古當推殊俗懷我今廢學苦
多忘願就諮君日百回他日張絃隔吳下苦將名篆憶
裴衷

城南修禊詩


暮春正三日來會城南隅長川明若練其上源西湖下


輸南海子艸橋貫中途晝陰天多風楊柳密復疏艸芽
沙岸綠葦席縱橫舒面流坐中林默數同會徒長者二
十五幼稚十人餘自從導此川種樹歲增株我來再修
禊風景日可娛何況冠蓋眾前春尚不如是時 朝

廷清在列多鉅儒清修好名節室不聞笙竽四海艸野
賢招徠盡于相從抗論古薄游散其劬山陰雖可慕
豈若 帝王都羣賢及古哲文藻復交敷肅也最寡

間寬世容其愚頗減吏事責與使談詩書累從諸公後
觀覽物華初當有異世賢慨慕今茲無中筵旣自幸迴
念顧鬱紆昔者孔氏門材孰非時須後先及疏附所欲

返唐虞如何浩歌人舍之風舞雩乃知士有志聖人不
與渝旣乏經世畧披褐宐田廬遼哉千古會日月終不
居夕陽散車馬長途眺廣虛屬斯告後來慨焉或念諸





惜抱軒詩集三

古體四十首

新城道中書所見

大霧被野天爲遮海東遏不翔金雅寒威逼人歛默息
 條忽眼眩生奇花是時夾道萬凍木半生半死交杈柯
 含靈孕氣作怪異纈如桃李冬揚葩蒼龍立海負冰雪
 天女墮地紛珠珈黃帝此夜戰涿鹿蚩尤肩髀埋谿衍
 三軍凱旋盡解甲亂挂林木光明霞千形萬態未易究
 琮瑋忽墜當吾車發書占策苦不得野老能說殊亦佳
 或云休徵備飯糗捆載千億收禾麻或云此咎達官怕

有鬼欲瞰高明家從來休咎兩難定況何與此枯樹耶
紅罍圍坐別妻子敦宿起看聊矜夸虛榮幻象豈久據
午位已正陽輪加飢腸得食出戲語荒店凍壁題欹斜

阜城作

積雪河閒道初日弓高城單車十二月自此將何征僕
昔弱冠歲始竊鄉曲名充賦自南來意氣頗縱橫謂當
展微抱庶見康民眦行能苦陋薄疾復相嬰十年省
閣內回首竟何成側聞太山谷往往仙人行雲霄晝下
鹿東海遠騎鯨願言見求道倘許傳其精披我故時裘
浩歌出皇京旁觀擁千百拍手笑狂生

於朱子穎郡齋值仁和申改翁見示所作詩題贈

一首

我昔少年百不求車舟載走殊方州短褐之衣飯不足
胷探江漢千珠旒偶向人間結豪士擊筑和歌燕市秋
自從通籍十年後意興直與庸人侔徑辭五雲雙闕下
欲攬青天滄海流故人剖符守東嶽長髯忽對當風虬
坐中賓友况英俊聞名往往從交游嘉陵驛路劍關口
君昔黃綬憂民憂一朝解印歸不得西南漂泊猿獠愁
是時朱君亦羈客攜子登閣觀江涪萬里解散復會合
并有百錦囊壓輞荷君爲我盡傾出紅燭低看三白頭

精金美玉價在帝鯨波蜃氣升成樓信知江山助雄麗
使我媿向平生揆擬將雪霽上日觀當爲故人十日留
高巖磨壁不敢寫盍借巨筆鑱天球文章道路識老馬
世事滄洲漂白鷗相看興極一迴首日月往矣空悠悠

歲除日與子穎登日觀觀日出作歌

泰山到海五百里日觀東看直一指萬峯海上碧沈沈
象伏龍蹲呼不起夜半雲海浮巖空雪山滅沒空雲中
參旗正拂天門西雲漢卻跨滄海東海隅雲光一線動
山如舞袖招長風使君長髯真虬龍我亦鶴骨撐青穹
天風飄飄拂東向拄杖探出扶桑紅地底金輪幾及丈

海右天雞纔一唱不知萬頃馮夷宮併作紅光上天上
使君昔者大峨眉肩堅冰磴滑乘如脂攀空極險才到頂
夜看日出嘗如斯其下濛濛萬青嶺中道江水而東之
孤臣羈迹自歎息中原有路歸無時此生忽忽俄在此
故人偕君良共喜天以昌君畫與詩又使分符泰山址
男兒自負喬嶽身曾有大海光明瞭卽今同立岱宗頂
豈復猶如世上人大地川原紛四下中天日月環雙循
山海微茫一卷石雲烟變滅千朝昏馭氣終超萬物表
東岱西峨何復論

孔撝約集石鼓殘文成詩

在昔成周造西土日出海隅皆奄撫同文遂光天子政
 異學敢施私智舞大蒐有禮朝金鳥小雅餘篇鐫石鼓
 東遷孔子悼詩史有闕文吾尙睹用劉子駁說 屈興暴國
 尙首功撥去古文焚一炬小篆從茲法丞相爰歷競言
 受車府援筆且僂徒隸才立政安求周召侶雖然六體
 試古文尙有典刑存一縷魏晉以後述者稀科斗僅傳
 逮韓愈厥後推求鐘鼎文形響猜疑似聾瞽銘勒誰可
 迹郊梁真偽奚能知响嶼獨畱此鼓見周人猶似裔孫
 瞻鼻祖文士甲癸紛臆決強定成宣道文武斷文闕義
 那得知偉畫奇樵差可數一朝聯綴使完善墜玉零珠

同貫組文王清廟固難晞急就凡將真下頰乃知翰林
 有奇智鍊石星躔如可補嘗疑秦篆一家學叔重雖精
 猶異古言之成理或近鑿有似郢人書燭舉保氏本體
 益茫昧後賢傳說時舛午日在罍中會意算背私公乃
 韓非語豈如石鼓堅可信迺諺胡爲譏厥父說文算日且冥也從
日在罍中石鼓文从早不舛日按說文載自芥至勤五
 十三字大篆皆以舛罍固草名見詩安知非本草名
 而假借以爲蚤算之舛亦猶蚤之借蚤蟲也以假借言
 之亦不必取日在罍中矣反說文公平分也八猶背也
 韓非曰背私爲公石鼓公字下从口不从人亦不合背
 必以許氏所解六書義難之則反失之矣說禮無徵傷杞宋崇舊有由敬收
 昇嗟君好古如食跖快讀奇字嘗如吐益友多聞求寡

味家法虛懷銘偃僕何當再發壁中書小學源流勝張
杜

題唐人關山行旅圖

亂山奔如濤急水高如山千山萬水不可度況有倚天
絕地之雄關終南東走洛與宛劔閣岷嶓天最遠山頭
日落關前晚青烟滿地黃雲返棧中馬足躡重雲巖底
車聲行絕坂後有輿從前建旄孤騎席帽絲鞭操負擔
汗頰賤且勞耳邊不斷風騷騷猿鳥悲嘯兕虎嗅青楓
密竹苦霧塞仰首始露青天高林開地闊春陂綠商舶
漁舸牽纜續嘉陵江水下渝州愁聽巴人竹枝曲不道

曲聲悲且說含辭苦山頭十日九風雨君王腸斷爲零
鈴行路誰能不酸楚路艸巖花秋復春關山猶有未歸
人丹青寫盡關山怨千古行人行不斷將身涉險豈非
愚不及田間藜藿飯或言男兒桑弧蓬矢射四方那得
日在妻孥旁樵夫隱士同一谷英雄賈客偕征行士生
各有志未易相評量亦有進退無不可出亦非見居非
藏蒼生自待命世者豈必棲棲求異鄉

正月晦日期應宿同游浮山余往徧歷諸峯而應
宿不至遂宿會勝巖次日至華嚴寺作詩歸示應
宿兼寄朱竹君學士

朝暉揚瀾渡明漪泛龍從舍艇杖筇入兩崖一道甬石
若垂天雲與地離跟踵立柱裊纖箭垂乳墜擁腫長風
流其隙飄搖殆將動初入浩笑廊題名紛蟻蠓昏泐閒
一讀鼻磨目勞瞞三曲既穿洞一門俄出寵睥睨昔建
矛搏鬥事呼詢中山信人傑造迹拔砦勇浮雲失前功
巨障有餘鞏徐中山破浮山砦事見本傳今尚有陳氏所築岩門超登萬壑上空
宇散羣壅嘗聞此山木連峯覆鬱蒼陋僧不知惜十八
樵媪惚俯視惟壑谷青葱若箸總上有石攢羅象似豈
寓侑江湖漫遠明峯稜點脩簷是時春始和菜麥競刺
壘佳人終不來逝鳥時企獲天風警虛襟寒陰肅晝恐

天池見纖鱗人言乃龍種卻立不敢浴引手聊一捧泔
水洗石蓮戲苔羣慙憑繞雲梯頗峻僧導使余踵右詣
張公巖欲乞餘鉛頃夙聞九帶禪晰義啟愚懂異哉不

二門兼紹洞山統

遠公本臨濟下嗣而受洞宗太陽和尚記以授青公使遙嗣太陽今洞宗

皆其後也

我登遠公石但見青艸萃安得聞說法顛頂灌酪

渾日暝返龕閣中心獨悵情青鐙熒石壁照佛兩臂拱
終夜風雨急環巖吐泉孔坐待朝暘洞果見先瞳矚置
案未盡餐僧雛來趣董西北舍舊歷東南發新竦紫霞
關其隘穹蜷偃脩竦僧登余未上仙牀危可悚最鉅金
谷巖斑駁矗上湧赤玉挂彎環青天受蟠擁巖竇立金

容縱橫結梁棋其右闕石室弁上竅若籠冬凝曜冰柱
春雷墮乳桐有童試擲爆旬殷坻隕隴其外沸石泉當
戶三曲踴長谿決兩隘霜鏑拔鞞琫轉入華嚴寺高林
墮鳥旣鯨鏗震幽陰奚啻破蚘蝱遂穿巨竹徑上詣可
師塚婆娑芳桂陰跌坐遺屐愿借問張文端寧辭柱石
重蕭爾此淹畱何如驚辱寵張文端有浮山十可
坐處桂下其一也有志
嚮浮山自余始角懸長序仲孚詩銳思撥倥偬余有左
仲孚浮
渡詩序 悲哉吾仲孚奄已乘翼輅而吾二十年京洛仕掄
茸翰林持節來思余隔塵塢嗟彼千里驥倏以短轍躑
至今壁上刻光晶照珠璣惜我先後迹與君不可總此

生逋世役幾如說桔拳孰慰獨游寂靈怪交獻奉所恨
未聞道仍將棄凡冗糞掃石壇隅終身縛竹筩遠道或
見思作詩遺笑啐

雜詩

誰植高原樹花葉相離披幽陰上蔽日野鳥中巢之朝
飛呼其友莫宿呼其兒豈不樂平生久託終不移微霜
變青綠涼風又先吹餘葉猶滿林颯颯聲何悲四海諒
云廣欲逝願衰衰獨食雖得飽不如羣食飢一夕不相
親百年安得知但異藏弱羽奚必棲高枝
挾瑟昔侍君中宵錯明燭芳尊前旣陳眾女皆列幄不

謂微且鄙過蒙君顧辱爲君起新聲竭才自結束盼睐
人心移曾無待終曲堂上有萬里薄帷能蔽目親者巧
有餘疏者拙不足欲逝不敢遠沈吟孰別屋秋風拂堦
墀皎月如寒玉恐欲傳清光爲人照幽獨

陽澤將被物秭鴉乃先曝天運苟不通密雲在西北哲
人亦何爲託與萬物遜語默非有心進退一所遭嗟彼
盛名譁雖值禹與堯不容蓬艾間乃有膾胥敖

握有荆山璧不以易銀鏐韶虞發高音陽阿何足謳高
門擊鐘磬尊爵缺獻酬酒肉雖飫人豪傑當懷羞不聞
弋鸞皇披羽持爲表一朝毀周鼎鑄作棘與耄白首不

能言小子方呶嘍願舍中閨態君當聽道周

步陟高巖巔浮雲鬱如海扶桑升園日眩曜生五采宛
虹首幽恆江漢托其尾氛霧倏清微島嶽乃錯峙俯聽
深崢嶸空曲巨聲起勃上充元天下達幽泉底倡始羲
黃前萬世卒未止傾耳魂九逝返乃得宮徵獨抱虛音
歸中心竊自喜寫曲欲遺誰真有伶倫耳

湖上作

江潮日夜上廣澤何瀾瀾青山隱其側白日漾其裏竟
日無檣帆鳧鴈或孤起傾耳鳴瀨閒植立澹何俟昔者
水中央蓋有天下士豈忘濟物情審見人與己名姓不

可聞何況覲容止默默千載下悵望辨茲理
平臯日將暮艸舍面陂湖良禾被當門喬木列萬株含
綠泛幽光長風忽披敷水鳥雜岸禽異響如相呼近玩
既蕭沈遠趣來虛無不知青冥外沈霞杳何徂人生各
有適豈論榮與枯倚立待暝月孰云高興孤屬言寫自
賞非欲遺吾徒

暮行青山下宿田家作

江臯夕霧中初月寒津上雜樹轉蕭疏長風拂清曠夙
愛青山隅既暝猶一望勢別列殊峯光沈藹同嶂夜鳥
寂還嘯春澗幽逾壯人從艸徑逢屋與雲巖竝感茲洵

有情欣我久無恙場圃共披襟風露頻開釀耽樂未渠
央疏慵任遺謫

康熙閒無爲州僧曰修學死而其身不壞其徒塗
以金奉於所居三官廟舟過瞻之作詩

是身一塵垢與物孰爲親有迹與無象二者孰爲真借
問此比邱方其閱世辰杳乘六氣辨萬彙同一鈞縱復
隨化往存者猶日輪何爲累一蛻長託茲川津萬劫一
刹那久暫固已均不以去爲快不以存爲珍見者自分
別何足議至神連朝臥小艇了不見異人躡屣謁導師
默與扣淨因推測可與否定知師不嗔出門縱鳴榔烟

霧江泯泯

泊采石值沈南雷來爲姑孰山長夜話因贈

江山俯仰皆吾舊送我清風滿襟袖雙撓徑度大江東
南徼雲霞皆出岫高閣平臨日月輝傾巖下湧金鐘奏
空江遠影弔蒼茫幽谷寒聲生左右止疑萬古謫仙人
念我平生尋邂逅那知玉趾向姑溪正挂蒲帆出杭秀
開尊丈室寘盤餐燒燭深宵繼窮晝小邑經師道自尊
荒邨菜食容常瘞風搏秋澤見鴻翔雷響春陂聞雉雊
安有才如萬斛泉不汲王明藏井甃明朝我欲攬鍾陵
未獲爲君停宿畱祝君早起濟當時儻有音書寄巖竇

舟中望板子磯以南山勢甚奇因題長句

黃山天半卅六峯包含雲海蟠奇松忽乘風霧走江岸
橫入江心如臥龍風清霧霽水搖碧遠見初日穿玲瓏
烟鬟俯仰久未定玉圭角立誰爲宗十年前再入春穀
每下籃輿搢短筇楓丹照眼秋錦亂茶香薰鼻春焙濃
山中猶未識山好正坐一障藏千重輕舸兀坐忽昂首
有似故人天際逢凋零綠鬢塵埃後借問青山好憶儂

田居

自我游人閒嘗恐失情性負擔偶歸休
體健戶良多幸外物解羈牽中田託觴詠
旣免五漿驚又謝四簋敬乞醢

常友直飲酒安用聖寡偶亦可懽多稼況爲慶白雲與
戶齊青山入檐映南榮就冬暄北斗懸夜柄逝者諒弗
居優哉復何競將老澹忘年達生庶無病

題四更山吐月圖

環海世界中須彌光明隱蔽行兩規元夜穹蓋覆四維
清氣鼓動東南陸寒魄欲吐風先吹倒影滄海升屢屢
壹氣孔神中夜持仰首雲隙先見之或來稽首問導師
指端湧現圓若斯憶泝沅澧踰沙羨洞庭下浸高樓危
四更起坐星杓垂月生尙在湘東涯半映湖面山蔽虧
須臾天地成瑠璃夢游所到不可追惟有明月窺余帷

於子穎揚州使院見禹卿遂同游累日復連舟上
金山信宿焦山僧院作五言詩紀之

結友二紀前別離萬里外每恐終此生無復容交會安
知三故人一夕今相對綠鬢旣先凋行恐成聾聵妻孥
幸無恙幼稚盡成大兩君蓋神祐滇蜀出萬隘僕也疾
未平中朝謝儔輩舉目孰不改身存心可碎那擇儒與
佛有得差爲快旣攬淮南春雕闌雜錦繪使者官事餘
翩然動旌旆連舫指空江但見天垂蓋駁嶂立陽般受
日騰光怪陰壑靄如雲蒙龍奏悲籟陰陽有開闔一氣
無遷代誰云逝者多澄川故如帶舉觴酌馮夷布席臥

驚汰聊與平生心從容託江瀨

同王禹卿馮拙齋游八公洞循招隱寺歸

潤州山雄如戰馬駢飲江中尻未下長波漂盡百興亾
古淚登高誰不灑不知更有南山南疊嶂雲關塞平野
初穿幽谷琅玕入卻聽細寶珠璣瀉陰陰鳥語萬朱櫻
寂寂僧居十蘭若兩君梵行正清修伴我蕭閒如結夏
未須不二問維摩風磬一聲言自寡空階久坐袂生寒
小嶂試登筇可捨更對虎跑甘如乳重過竹林青沒蹀
豈徒公輩愛家山我亦淹留爲白社江風吹面返歸途
還入喧聲攢萬瓦

偕蔣春農舍人王元亨給事金蒔亭御史登江鶴
亭康山艸堂

憶昔武功身不用南走江津作游弄江風海月四天垂
中有琵琶聲一縱清濁都忘身後名軒裳那計當年重
世閒從此有康山二百餘年存屋棟江君新葺作階墀
千歲虬龍今始種每來放鶴羽如輪縹緲雲霄思獨控
揚州三面邗溝上中阜獨臨天宇空風前帆影八城來
天際斜陽低首送臺省兩賢皆鷲鷲舍人文筆真苞鳳
淮南芍藥落花時記八層軒畱玉鞵獨余不飲復無詩
應媿主人開馥賽

惠照寺分韻得自字

我昨山中居嘗愛林下寺每俟風雨休杖藤輒孤至矧
茲清郊外良朋逾三四道人晨啓關涼蔭散幽地墜萼
點階稀高藤仰空遂壁墀唐相題字拱金人臂山鳥罷
嘯時風篁識聲自疇謂聞見聞奄忽忘深智身世苟無
牽頻來坐寒翠

暑懷

乘化日行逝童稚固已然朝徂暮復改矧此將積年一
室曠清暑桐蔭落疏懸涼颺倏西起和鳥鳴階前飛雨
遂飄颻墜葉亦聯翩適賞在須臾顧思彌悵焉混成故

無尾象帝詎有先悟彼空外旨汎此世閒緣夕陽忽西
露倚檻聽悽蟬

潘惟勤弟兄有小園在城北當龍眠山口林麓谿
嶂蟠擁最爲可愛惟勤於松下作亭余爲名之曰
谷口亭

龍眠崖壑誠幽峭一往深如處突奧卻來谷口快平夷
青嶂芙蓉開四照筋彊骨健易江山登涉平生恃年少
而今老矣欲閉門苦畏拖舟及輿轎城園徒步半里餘
及此林巒已妍妙朋游獨往皆不惡但欲雨晴途不淖
朝暉尙及露濡濃晚日夏看山照曜況於松下落陰翳

萬樹寂無山鵲噪夾谿紅葉颯蕭蕭天際秋聲時一到
農樵遇我不相顧倚柱獨吟頭自掉世間多少東海生
吾作井蛙君勿笑

張印沙七丈得先職方亦園故址作逸園

吾邑青山圍四境小嶂城西陣亦勝昔吾先世籠有之
遂作兩園地相竝其後閱姓凡幾家敗牖積垣蓬滿徑
新堂忽起闢荆榛舊木猶存覆陰映百年父老觀廢興
舉觴競來爲地慶丈人健吏勇爲國嘗抑豪彊沮姦倖
餘才歸逸作茲園舉廢治荒譬爲政賤子歸休一畝宮
橫榻僅容搯塵柄每于田野縱嬉游復荷鄉閭同愛敬

霜風吹澹夕陽時往聽僧庵打鍾磬開軒松竹復清疏
解帶親交共觴詠坐久時逢歸鳥斜飲罷仰看圓月正
百歲如輪那得知一日縱狂何足病老梅巖隙已含苞
更待雪香攀石磴

夏晝齋居

中庭榮夏木靄此南榮幽微風汎其陰好鳥鳴相求乍
聆已可怡移時復悠悠未知古與今此意有遷不願言
觀吾生託與萬物游

望道苦弗見安敢輕爲言大哉天地化示人初不煩物
表時一遇忽又汨其源孤生千載後屬念祇弗諠客從

茅山來教我默自存服氣至萬息顧見天地根多謝丈
人意求生固有門警乎游恣睢何爲畜於樊

終日居撻戶披卷慰寂寥久坐生微涼不待輕紈招上
覽虞夏興下及衰亂朝耳目雖不接感歎自蕭條舉首
望中庭忽歛西陽驕喬木陰暮氣朱霞灼穹霄檐昏已
飛蝠林杪猶鳴蝸俯仰萬化中安知盈與消

感冬

四運革成歲日月播陰陽萬化靡弗徂天地固有常元
陰蔽朝日堅冰嗣微霜俯仰偶一世思彼乘雲翔旣無
終與始焉用思羲皇願言從問道或爲言其將

王叔明山水卷

大山如雲高蔽日小山如眉青入室千林過雨長青葱
大山小山瀑爭出低首見峯仰見水軒窗宛此空巖裏
此中有士無四鄰艸木猶涵太古春巖花落盡春澗長
遂有漁舟來問津居者旣無求來者亦無意但見白雲
倚蒼翠屋上寒雲流滿地山風卒起漁舸歸澗石交鳴
幽嶂閉借問何處有此山豈非廬與霍盤互雲霄閒哀
猿思鳥不知路惆悵王孫游不還眼底溪山止平遠嵐
光深處飛禽返開塗伐木吾無徒老夫那得凌絕巘昔
聞趙承旨作畫居吳興筆法晚授王氏甥授受有緒諒

可貴意匠不到天機生妙趣磅礴出域外承旨雖工容
未能我憐叔明擅此技丞相之宅才一至明祖殺士夫
何伎嗚呼翰墨祇作他人娛露才往往傷其軀曷不避
世深山居竟友麋鹿從樵漁衣冠名姓世莫識結屋無
能與畫圖

仇英明妃圖

明妃一出蕭關道玉顏不似當時好卻畱青塚地長春
復有畫圖容不老漢官佩劔卒舉旗分布四馬連尻雕
毛端颯有風沙吹侍女頗具宮中儀中有檐褕擁獨騎
落日黃沙萬馬迹臨風翠袖雙蛾眉欲到穹廬前幾許

賢王迎跪廬兒語琵琶曲終淚如雨佳人那必逢佳侶
表餌生分漢帝憂容華死作單于土遺事竟寧傳到今
王昭有曲聲中琴仇生豈亦能知音寫出別怨關山深
正使夔州衰杜老春風省識忽傷心

贈錢魯思

少日懷賢甘執御既老猶思身一遇揭來三載皖中居
惟對龍山如可語城外拍空江水流雲中引首時登樓
東風忽有天涯客青艸生時吹泊舟裁詩作字皆非俗
意中正繼開元躅信古方能見性情遺今誰得加榮辱
世閒口說何紛紛未知天意於斯文鳳凰五色偶鳴和

麒麟一角方超羣有才如此誠難得田舍秃翁長語塞
邀君風露月明中坐歎玉英人莫識卻憶平生知子時
侍郎舉族住京師安昌弟子聞張樂謝傅家庭多詠詩
樽前冠蓋俄逾貴室內孤嫠今莫支門戶難留百年盛
文章要使千秋垂修名莫待榮華落白日終令奴隸知
頻來莎砌同清暑耽聽狂言亦未癡

唐伯虎赤壁圖

東坡居士賦有畫風月無窮瀉清快畫中有賦情亦奇
唐寅使筆能爾爲登高臨水秋氣悲山空夜明木見枝
憑虛欲望天涯處可似湘中瞻九疑九疑山高湘水深

重華不作哀至今青楓搖落幽竹林湘君竊立風滿襟
江妃海若夜起會或有雲中竽瑟音雲開月出天寥闊
俛首悲風興大壑不見帝子乘飛龍但有橫江之一鶴
橫江鶴何裊裊蘇子乘之去不回賢者挺生當世才重
之九鼎輕塵埃脫屣竟從赤松子賦懸日月何爲哉情
往一樂復一哀後六百歲余茲來曳杖江頭看山碧思
得公語從追陪請與圖中二客偕今夕何夕月當戶霜
落收潦面深渚涼風吹林蕩空宇作詩要公公豈許

感衰

朱顏相娛嬉倏復爲老醜每見長童稚屢失故交友生

平免天折得天諒已厚所志尙千百爲者才八九終非
力所及曷不歌鼓任第恐日失足盡隳平生守松檜晚
彌榮所以異蒲柳脩短未足論請勿喪吾有心與逝者
寧道與存者壽

送余伯扶重游武昌

好士如好山不容置几席好詩如好士每見輒增益皖
中山遠人士稀夢咏清辭長面壁余生才名二十年江
關處處吟飄泊蕭條秋氣遠歸來落楓未盡還爲客挾
冊棲遲不療貧青山重過句仍新往憑黃鵠山頭望江
漢風流今幾人

夕懷

西嶺斂斜規餘暉猶辨色暗漏此終日俛起釋書策巡
檐風蕭蕭墜葉動階石羣鴉得枝棲復起噪林側萬物
皆寓形何者爲主客追前信已愚探後詎爲適舉首默
無論寒月偶清夕

見禹卿題拙書後因寄

侍讀淨業真頭陀靜中萬象觀菴羅起攬風雲入紙墨
筆勢所向揚天戈金翅擘海作平地巨靈分山流大河
世人不悟三昧力將謂妙蹟回永和嗟子弱腕縮春蚓
索處陋巷藏泥蝸何緣手迹荷題字皮薦價視蒼壁多

憶昔風帆共投宿金山夜鼓驚鳴鼉君呼起說微妙義
履行巨浪穿烟蘿倚立雲閒天澹外長江蕩與空相摩
三客恍知病世在干生了辦須臾過人間別離細事耳
乘輪退轉憂蹉跎子穎困臥已近死與子那得長委蛇
一臂可爲初祖斲三折豈屑張芝波快雨堂中想投筆
仰見圓月升墻阿江上一書通問訊翻湫倒海將如何

答王生

古人曠不見生世惻愴多幸逢賢哲知交臂倏已過鄉
耄盛文行孟韓紹同科四海士仰流踵門肩相摩嗟余
生晚矣始冠贅庭阿繼見曾幾時奄復從虞歌所承得


綫雷洪流逝江河況復久遺忘影領垂衰僂猶欲抱殘
缺爲昔揚其波豈不愧諉聞稍足異傳訛顧恨學非優
身名一么麼時髦策遠鷺高閎冠峩峩孰干藪澤下而
爲焦朋羅坐是臥蓬衡絨閉如廬羸邈隔後來賢朱墨
方研磨寫述恐弗遂畢世埋蘋莎獨君不見鄙每顧問
無他投卷逾束帛陳臈璋瑋見譽配懿古媿汗生顏
醜豈君擇取舍有願正衰頗睠玆牛下鐸尙俾雅樂和
廣地孰無材利欲爲之剝塵霧苟不興萬里曜羲娥士
爲千章林毋爲附施蘿寒風發江濤危葉墮庭柯一觴
向風月願得相婆娑念子百里外弁影篝鐙俄聞井歲

苦饑併日塵生甑古甑卽俗鍋字飢喚出金石植道爲嘉禾報詩惡言耄嘉貺將奈何

題張篁邨萬木奇峯圖

一峯掘起天當中撐拄元氣開鴻濛左右闔闢兩巨壑
逕路各絕風雲通松風遠自雲中起搖蕩雲光山色裏
水交山斷置人家松響谿聲動窗几巖高谷迴居無鄰
松林有路無行人豈非高士嘗避秦自此千載無問津
又疑靈境與世隔乃是天地神物之所珍我家龍眠東
西望兩谷口每至夕陽時嵐光紛照牖日月逝矣身今
衰苾屨竟隔青崔嵬卻尋圖中幽谷到窮處忽有數峯

天際來張君畫山最得古人妙俯視百年畫史皆塵埃
人家收得尺絹素屈指不數王麓臺何況林卉與翎羽
擾擾俗工何足取韓幹戴嵩堪障壁徐熙周昉遺兒女
落落平生山水情移將看畫亦眼明於今安得張君死
復生與余結茅共對青山青



惜抱軒詩集四

古體三十首

題合簫樓橐

國風有正變用冠皆婦人德載重一世美言播千春江
山壯龍虎人物渺荆榛卓竝白髮養志忘賤貧濡翰
寫胸懷皎月升秋旻感激或哀怨終無俗溜磷二班漢
東西異彼蔡與甄何況競宮體綺麗玉臺新少游詠芍
藥茂與昌黎倫異哉女郎詩於今論過秦

宿攝山幽居僧舍次日略覽山中諸勝逮暮遂歸
五月暑未甚况經新雨餘攝山若雲起飄然望遠墟出

郭偕好事入谷扣幽居日晡禽聲涼崦風逗籃輿萬樹
欵澗壑一鐙耿軒疏夜爨傍佛龕晚案得山蔬雲白綠
林外鳥嘯朝日初推枕饋清泉杖策曳輕裾雜石擁樹
根萬疊雲濤如穿徑石雲中杳然疑躡虛法刹引遐塵
宮樹亦瞻諸高松蔭暘行清若循階除亭午不逢客
寂爾惟鐘魚回首金碧轉始知山徑紆聳望最高峯筋
力乏升岵循年嗟老矣視日盡歸歟復向山僧約期余
巖桂舒

九月八日偕葉治三陳碩士從弟儀筐姪彥印謁
明孝陵游覽靈谷寺晤其方丈僧祇園

萬事靡弗改誰能測所終蔣山自齊梁幢蓋浮屠宮安
知明祖宅毀塔遷誌公何怪三百年廢闕生蒿蓬我來
謁松下黃檗閒霜叢故事識已少今
帝德良隆守
吏衛樵蘇金碧餘穹窿環峯嶂東南西眺曠青空郭外
隱大江杳來逝無窮杖策越斷橋攀躋八巖東密樹欲
無徑涼颺激榛中積垣外已盡立殿中猶雄想見徒建
初頗極匠制工老僧爲設餐共語斜陽紅寘彼萬古懷
企此三幡通人歸壑谷閉深翠澹濛濛林杪餘塔頂盤
鶴下秋風

良醫行贈涇陽張孝廉菊

自古良醫多出秦孝廉晚出當其倫授受無從古術絕
山川靈異能通神一戰燕山屈羣士殿側裁文奏 天

子君中已酉順天鄉試是歲詔受試宮內謂知弓冶繼家聲孰料刀圭起

人死江山地有金陵壯萬室曾城壓江上乃翁強項困

為宰令子活人譬良相經營智出非禁方痛癢情切方

無恙老夫臥病常兼旬賴子每過情愈親已信發著謫

有喜況聞快論偃可伸君家孝友稱義門 詔書褒使

薄夫敦乃翁行古非俗吏餘慶邗不遺後昆帝所諸聲

待韶夏天池奮翼須鵬鯤地中生木象慎德況年甫逾

冠加元術如和扁固小技文高潘陸猶無論截辭終南

氣未已當今相國誠賢矣安知人無邁古才更與成周
闕散比老夫未死得君醫拭目人閒有見時願子勉學
致其大一世膏肓皆可治

與張荷塘論詩

薰蕕非同根鷓鴣豈竝處欲作古賢辭先棄凡俗語青

巖萬仞立丹鳳千里翥寶氣照山川芳華出霧雨快此

大美聚亦使小拙嫵淺易詢竈樞險怪趨虬戶焉知難

易外橫縱入規矩小黠弄狡獪窺隙目用鼠不知虎視

雄一嘯風林莽噍噍雜市井喁喁媚兒女至言將不出

曩哲遭腹侮謂獲咎未搜頗疑今者愈嗟哉余病耄柰

此眾簧鼓絃上矢難畱蓄憤終一吐不期得吾心君先
樹幟羽將埽矣且庸略示白與甫病凡偶對論陽氣上
眉宇東南百俊彥解者未十五寡和君勿嫌終世一仰
俯有得管幾人屈指君試數

訪坳堂觀察於城南寶光寺釋皓清亦至讀觀察
近詩數十首雨中共至皇姑寺作詩二首

江霧帶長干南望盡蒼碧何處使君居空山少人迹東
風汎林影逕艸含新色數轉造精廬遂爾逢巾舄漠漠
寒雲光幽幽丈室白山僧共披帷飛雨颯沾席清言接
今茲高文自曩管真性不容遏筆墨偶流溢結習誠未

忘固已遺喧寂誅茅鍾阜巔邀君共晨夕

樹引南岡升雲垂午光晦披衣細雨中曳杖荒林外企
彼建琳宮遠矣自前代庭圍青竹幽石倚紅牆壞危閣
墮冷風空櫺塞寒靄列架備龍藏展讀吾未逮所欣道
人韻敷坐肅相對

偕方坳堂登牛頭迴至獻花巖宿幽棲寺

昨雨竟夕晨未休與君宿約登牛頭我怯欲止君意銳
中道稍幸霾雲收山陰轉至南澗曲佛宮上倚雲峯稠
八門階磴鑿蒼翠兩闌松桂交龍虬十圍銀杏穿入地
再出若濟興陶邱霑衣尙有林雨隳拄杖且趁石逕幽

深洞傳爲辟支坐小沼或記昭明游世往荒昧不可辯
登冢一俯千山周東來句曲氣咫尺大江三面環如鉤
仰思萬古正儻况飛鳥忽逝投滄洲下踐僧廊出門外
危循鳥道升東陬獻花巖居萬木杪片壤劣架懸鐘樓
其時山花開且落枝閒偶復聞啁啾迴視來逕杳修曲
山光金碧交相浮幽棲寺近暮投宿林深霧暗風颼颼
道人管處此石窟遠有望氣來相求廓然無聖乃家法
金屑雖貴寧居眸尚有佛見師所斥了無一法今何修
嗟予與子厭塵塏但云芒屨賢鳴騶若尋第一微妙義
豈於喧寂論誰優山僧煮笋春米熟虎跑泉瀾香盈甌

鐙前飽食放頭睡起看杲日青天流

瞻園松石歌爲陳東浦方伯作

管有淮淝帝起凌江東金陵始建吳王宮蒼松白石傳
是宋元蓄位置乃在西園中是時招徠天下雄游賞時
與匹士同謀畫紛紛史述不可盡故物矗立皆英風蔣
山南徙新宮衛松石遺在中山第君臣際遇自當年景
物蕭疏成異世我朝奄撫江南睡大功坊設行省司人
言江寧使院天下冠日月煙霞生古姿翠華臨錫瞻
園字松石光輝又一時此邦有宅城西面六朝松石名
嘗擅漁洋司李爲題詩賤子少年曾一見四十年來古

松死三品石徙金壇縣嗚呼于文襄沒乃返故鄉何嘗
得一日幅巾屣履苔石旁人事興衰變倏忽古蹟銷磨
多慨慷豈如使院長清祕冠蓋頻誇松石異自管元依
天子家於今尙託諸侯帥使君動法前賢事文章可傳
政可嗣倚石松前聽松吹謝公哀樂羊公淚好誦甘棠
召伯詩休偕異石菱谿記露砌風軒攜酒尊更邀白髮
醉芳園古今事往都須置松石之間別有論

雨晴出廬江寄諸同學

北風夜甚厲急雨鳴淙潺大樹俯驚波連舫纜其閒崩
騰勢欲往撼拒力何艱勢極曉應衰柳葉搖翩翾柔橈

蕩春渚芳艸被澄灣重陰旣蕩滌丹霞忽漏斑舟進暮
未休野日澹以閒回首碧林外數點龍舒山邈彼二三
子送我出柴關神會無遠近道合非附攀母以損夷懌
屬念爲衰顏

舟中漫興

終朝風有常百里谿多曲屢使帆起落一若路來復春
氣澹多陰四顧垂連綠艸逕人獨行田家麥併熟屬此
旅與居同寄光陰速遇物皆可欣乘化孰非足矚倚舡
窗清展冊呼兒讀

棧舊縣

清江靜無風曉岸初上日高下雲影合遠近山青出連
舫纜盡解孤舟飯未畢犄涉齊物旨曠慕養生術逐事
偶在途澹懷猶一室復此對清遠未應嫌遲疾願與漁
父言仰送飛鳥逸又汎滄波東聊作前游述

題陳碩士母魯恭人端居課子圖

我識夫人夫朝衫託京國繼遇夫人弟幅巾江水北自
始逮今茲春秋三十易當時談宴未偶及中閨德儀容
黯終掩吾友亦遠隔遙想琴瑟哀與彼同生戚徒存四
尺紙繪作鐙火夕慈母如師嚴雖誦殷四壁圖中最稚
兒玉立今八尺挂席出彭蠡就我同書策萬卷容可收

熊丸不復得我聞晝闕氏泣涕甘泉側憬彼休屠子忠
孝漢庭則何況傳經家不匱名當赫又聞悲思者不可
爲太息憐吾失母雛艸髮初覆額奄垂二十年感傷衰
鬢白

金麓邨招游莫愁湖偕浦柳愚毛俟園陳碩士醉
中作歌

四月春風猶未已吹蕩湖煙與湖水水上青山何所似
擁髻莫愁明鏡裏風生水軒三面回白鷺鳧鷺空際來
山光半入城囊括湖影全將天蕩開當軒俯仰人間世
莫愁尙得畱名字坐上山川處處奇曾中今古時時至

君不見英雄誰似中山王一枰昔對明高皇山陰墅賭
謝太傅肥牛亭賜張安昌徐氏到今取湖稅軼事傳或
非荒唐軼事縱傳何必詳元功極貴同浪亾運盡勳華
亦烏滅時來屠販皆龍驤春水滿時春艸長湖波澹淡
漂夕陽欲喚莫愁歌一曲西坐賓客各盡觴顛毛日夜
生秋霜何暇遠計千載事石室金匱求芬芳

題胡山甫不浪舟記後

傻門將渡樓舡津御史欲以血汗輪船危橋安稱曉人
寧知三峽遠導岷負舟塵斥黃龍馴人生自貴此有身
正恐畏途出牀茵至人平視夷險均覆卻不入操舟神

杆匝江海雲霞巾馮夷肩吾與我鄰六合一室誰疏親
歐陽畫舫齋名新自記夸述艸木昔憑欄四望疑漣淪
所言枝葉非本真君齋繼作義相循平生未與君主賓
有齋亦未逝其陳讀君兩記擬歐倫賢子求書意頗諄
跋尾君見或不喚邈哉歐子不可詢

王石丈得異石於莫愁湖余名之坐龍石戲爲作
歌

洞庭雷風夜中起飛度峭撞戰涇水歸來歌吹月明中
貴主輕綃泣淚紅歡樂悲哀一朝盡寶珠獻得無生忍
歸坐深淵情自枯誰能出此定踟躕莫愁湖影涵秋月

道是龍宮光貝闕探得驪珠何足奇迎將室內坐之而
袍笏下拜情未已儼如共浴咸池底窗前咏作蒼龍鳴
走避定使諸梁驚煙霧繞階還吐潤或將霖雨爲蒼生

馬雨畊住相圖

自有天地驅羲娥風雲變滅流江河我昔嬰稚今髮皤
如箭逝弩絲運梭直逮建髮嘶虞歌焉得停晷容娑娑
君取住義將云何君言變者自遷訛有不變者常無他
心如死灰身槁柯所住非中非四阿須彌蚊睫誰么麼
稊米萬物非寡多萬劫靡辨於剎那了無未來與已過
此爲住義奚可訶我聞塵根相蕩磨應無所住傳佛陀

須菩提聞涕洟沱今始知道異昔科況君涉世猶同波
畫成戴髮爲優婆忽然念起火焚和恐君禪病容未瘥
因言生義皆網羅住與不住同偏頗更請斷臂求達摩

秋齋有述

雨歇朝暎時風來廩秋候樓上倚層軒城端見重岫楚
樹遠連空江雲澹橫畫芳桂已繁英叢蘭猶一秀幽居
謝物喧孤賞欣良覲幸無好爵縻終卻多文富淵乎象
帝先曠矣發吾覆寧執近名心翻求百年後

游攝山二首

古佛菴有明太祖御容

學道苦不深塵擾輒有損所賴行游趣養真復吾本況

曾批車言集四
九
茲絕靜麗深谷抱重巘始尋寺鐘來回視邨逕遠怪石
倚礪興奇柯冒巖偃幽日曛疏照流籟逝忽返偶接道
人談世外情亦惘久處山氣寒眺盡夕陽晚鳥宿人語
絕暗響無十逐圓月見松上長影散偃蹇邈當遺視聽
於法求奧相達彼無生寂見茲有物提豈必閉石窟沒
齒食芝菌

鑿石龕像佛遠自齊梁爲累世導師居龍象固有儀何
意入僧室隆準乃可窺當時平僭亂四海誠福禔所嗟
攀龍鱗十九遭焚矯戰兢展遺像目角流千鈹想見劉
宋輩日侍豈不危篝火息夜榻聞鐘逐晨糜朝日艸露

閒往讀始興碑慨歎閱千古誰識無成虧

乙卯二月望夜與胡豫生同住憨幢和尚慈濟寺

觀月有詠

夕陰連遠麓嵐翠斂高岑新月吐巖缺先照寺西林籃
輿轉重障杳度碧谿深春樹葉未多疏影落衣襟佛宮
坐遙夜妙義託幽尋上眺層閣暉下步重階琳素魄行
無極光霽曠來臨本非有擇照安知受者欽文學俊才
筆禪悅亦所歆余衰邈違世慕道恐弗任非徒遣煩慮
更當遺賞心闍黎淨業就結習猶謳吟共會忘言契何

嫌金玉音

三月九日鄭三雲通守邀於隱仙菴看牡丹竟日
翼日雨毛俟圍復邀同往賦呈兩君

幕府山頭天接水千古英雄此中死惟有東風歲歲來
石頭城下紛紛紫人生何日不當醉何處花開不可喜
況惜晚春餘幾日更對奇葩翻萬藥俟年少發新硯
毛子老儒鑽故紙固欣就我如葛歎竝道愛花入骨髓
昨攜天香歸滿裾今踏紅雲重曳履明妝已看照晴熏
深暈復憐含雨泚桑根三宿固慚僧羊肉慕羶終勝蟻
華陽真逸來句曲人道此閒嘗隱几齊宮梁苑今何在
況遡神仙真脫屣道人疑是殷七七能使荆榛變羅綺

被惱少陵何用訴樂死右軍差有旨隱仙菴外臺城路
我購一廛家可徙落花風盡艸如茵更弔斜陽挂殘壘

景陽鐘歌

景陽山作元嘉帝逸游已匱民生計累世增加到齊武
采集良家萬佳麗朝朝從獵向琅琊夜夜嚴粧看星曙
端門鐘遠禁庭幽此時別起景陽樓萬鈞猛虜懸雲陛
五夜蒲牢驚翠幃永明英主猶爲此何怪黃奴極淫侈
迄今偃臥對斜陽卻想雄鳴流結綺無射心疾事當戒
有國色荒寧不阨迹同潘岳弔乘風理異周官命鳧氏
昔者宋武戰勝收金墉西京筍虛遷江東別命率夫千

五百大鐘引出溫洛中當時物有故都思諒與隋陳情
不同臺城自入韓擒虎廢徹雕梁傾反宇坐視宏鐘棄
平楚竟鬱奇聲不可聞定知偉器難爲樹或言此鐘誠
有神霜日駭灸長如新艸閒時起光璘璣不許中宵輕
臥人我悲亾國此遺迹閒見要畱戒淫僻不然鎔毀用
之何足惜

金麓邨招同浦柳愚毛侯園宗棠圃飲莫愁湖亭
作此呈諸君

往者此荒菴吾儕已來眺但欣雲木妍一覽湖山妙樓
觀俄修飭櫺檻悉光耀旣便陟巡游益足展談笑博士

信好客先後再承召風日快今美歲月忘昔懣已逾棟
花殘未逮黃梅標千林敷盛綠環堤亂蘆葦晝陰風氣
疏遙青見羣嶠煙深出鷺翔波靜響魚越近檻種荷葉
翠葉始揚翹雖未吐含葩香已襲肌竅良取富流覽豈
病隘漁釣地運有盛衰人事孰先料亾國感六朝登樓
憑四微帆轉清淮長城倚石頭峭儻來遠舜禹運喪奚
羿澆緬思徐中山大功過衛驃以智僅自全終始明高
廟當世諸文儒豈特冠遭溺事往多可傷迹存聊一弔
諸君采鸞鳳卑棲比鷓鴣久知投閑散大勝執機要鄙
人謝局束狎得展吟嘯所貴鼓缶歌寧惜舉盃醕曠蕩

望無垠徘徊待斜照

跋馬雨畊破舟詩後

大禹昔導江志濟昏墊黜中流龍負舟聖心堅不撼其餘涉川民臨濤輒歎感欲停苦不得豈盡負勇膽嗟子前時歸妻病臥牀毯倉卒往視之別我執手寔石頭帆北張天門日西暎知止信不殆貪進意猶欲風利急上駛石險藏下黷苟非神靈祐已入蛟龍噉磯巨夜復昏舟破木僅攬念與子相親歲月遡髦髡白髮終牖下固當埋坎窞焉可葬洪濤含珠不投領始聞涕爲洵再見衷始憒熹子命才脫高吟味已醇得喪似失馬甘苦類

食攬人生託大化陰陽聽舒慘脩短要有命不係避與敢食案寢席閒或逾鋒銳憊不見王會稽誓墓避世坎岷峩萬里外欲溯三峽覽世情外益忘道味中愈愴子置青溪宅吾將其鉛槧不然棹漁舟相從八葭莢夏與傲風濤衣簔食藜糝

梅石居松化石印歌

深谷立龍爪矛戟風雨電雷洶拒格電歸雷散自吟風韻八簫韶殷山澤有脂不流作虎魄反真凝髓成霜白一朝劫至遭樵斤持與市人呼作石梅子懷玉披褐衣弄印成剗自詫希嗟余禿顛眊視微取廣多識朝扣扉

脩短較石焉敢幾萬物出機還八機狡猾變化奚是非

王秋史二十四泉艸堂圖

濟南南山立蒼玉珠散膏滄遶其足憶循秋水就荒陂
惟見昏煙挂喬木不見詩人舊艸堂百年圖畫展滄浪
低徊翰墨前賢在隨卷雲煙入渺茫

題葉君雲海移情圖葉君字芥一

我昔身在黃山邊青天無翳朝日鮮白雲足下橫鋪綿
彌滿萬谷爲一淵亂峯飛來無所緣蕩搖欲定未定然
高者百丈卑一卷驚呼眾觀足未旋微風已動雲升遷
蒼巖露足藏其巔山靈變異理幽元默存在曾逾八年
題詩寄思清不眠

朱白泉觀察以其先都統公指畫登山虎見示因
題長句

颯動秋山萬枝響寒雲四野當空上欵欵沙礫走林莽
陰森虎出晴睽朗峯高欲升短頷仰臥枝交戟壓前掌
聳身距躍踰十丈不知都統何處看指端盡得雄威象
想茲暗谷下志在千仞岡隅目眈顧周四方不屑俯立
同豺狼又疑郡州賢牧守政成渡江驅猛獸平地不復

食牲畜奔上高巖取颯狄轉逕掉尾直似竿攀崖過迹
深如白都統固國彥指畫亦有神一燈上進天子珍
八十筋骨健濡墨每覺壯氣振遽現活虎驚顰呻文采
斑斑逮子孫我從三世接交親畱遺墨寶容窺覘回首
登堂四十春我老吟詩轉寒乞驟瞻壯虎心震慄觀察
家聲繼茲日勉爲累葉之虎臣獨立艸閒狐兔不容出

喜陳碩士至舍有詩見貽答之四十韻

初冬言趨家霜風隕門柳仲冬擢槁柯倚門時出首望
子逾彭蠡計日當至否遠惟古聖籍義富若淵藪鯁生
非宏知鑽研百代後譬如物有十或取一遺九雖然竊

自欣千金享家帚執裾時語人充耳莫爲取獨子甚見
阿戒車屢載煥就我金陵館居我西序牖往復意屬厭
忘餐嘗及酉懷此三改歲述別自癸丑今夏寄書說定
當訪衰空起帆盱江曲欵戶龍眠口季冬霜雪霽薄暮
客造雷蠟梅紅燭下膽瓶燦金釵竟得展一笑共此筭
新酒人生樂莫樂久別還執手沉日迫桑榆小聚那易
有呼我稚孫前俾子問名某俯仰人開士感歎及賢舅
我出銘墓文爾讀目泣瀏新詩情邃切見貽媿瓊玖朞
中子多文爰離吾鼓缶敢謂橫海鱗制以寡婦笥頻年
洪州試似不辨稂莠升牒名九十子璞乃未剖所貴士

豪傑千禩期尙友威鳳登絳霄奚較猥企醜本心如日
輪遭蝕情欲誘始謂微掩缺繼昏晝見斗願子念汲世
崇樹三不朽遷義如轉圓而內堅所守文章非小技古
哲逮今壽超越彼粗糲固在頻投白海內諒多賢荷于
老夫厚區區相望心豈在金懸肘北瞻宛邱道嚴君今
衆母樂哉子行逮升堂奉昔滌別離未須恤雅志幸勿
負

